

Ի. ՍՏԱԼԻՆ

ՍՈՑԻԱԼԻԶՄԻ ՏՆՏԵՍԱԿԱՆ ՊՐՈԲԼԵՄՆԵՐԸ ՍՍՌՄ-ՈՒՄ

Տնտեսագիտական դիսկուսիայի
մասնակիցներին

ԴԻՏՈՂՈՒԹՅՈՒՆՆԵՐ ՏՆՏԵՍԱԿԱՆ ՀԱՐՑԵՐԻ ՎԵՐԱԲԵՐՅԱԼ՝ ԿԱՊՎԱԾ 1951 ԹՎԱԿԱՆԻ
ՆՈՅԵՄԲԵՐՅԱՆ ԴԻՍԿՈՒՍԻԱՅԻ ՀԵՏ

Ես ստացել եմ քաղաքատնտեսության դասագրքի նախագծի գնահատման
կապակցությամբ կազմակերպված տնտեսագիտական դիսկուսիային վերա-
բերող բոլոր փաստաթղթերը: Այդ թվում ստացել եմ «Քաղաքատնտեսության
դասագրքի նախագծի բարելավման ուղղությամբ առաջարկությունները», նա-
խագծում «Սխալները և անճշտությունները վերացնելու ուղղությամբ առաջար-
կությունները», «Վիճելի հարցերի մասին տեղեկանքը»:

Այդ բոլոր նյութերի, ինչպես նաև դասագրքի նախագծի վերաբերյալ ան-
հրաժեշտ եմ համարում անել հետևյալ դիտողությունները:

1. ՏՆՏԵՍԱԿԱՆ ՕՐԵՆՔՆԵՐԻ ԲՆՈՒՅԹԻ ՀԱՐՑԸ ՍՈՑԻԱԼԻԶՄԻ ԺԱՄԱՆԱԿ

Որոշ ընկերներ ժխտում են գիտության օրենքների, առանձնապես քա-
ղաքատնտեսության օրենքների օբեկտիվ բնույթը սոցիալիզմի ժամանակ:
Նրանք ժխտում են, որ քաղաքատնտեսության օրենքները արտացոլում են
մարդկանց կամքից անկախ կատարվող պրոցեսների օրինաչափությունները:
Նրանք գտնում են, թե պատմության կողմից Սովետական պետությանը տրված
առանձնահատուկ դերի պատճառով Սովետական պետությունը, նրա ղեկա-
վարները կարող են վերացնել քաղաքատնտեսության գոյություն ունեցող
օրենքները, կարող են «սահմանել» նոր օրենքներ, «ստեղծել» նոր օրենքներ:

Այդ ընկերները խորապես սխալվում են: Նրանք, ինչպես երևում է, բնու-
թյան կամ հասարակության մեջ մարդկանց կամքից անկախ տեղի ունեցող
օբեկտիվ պրոցեսներն արտացոլող գիտության օրենքները շփոթում են այն
օրենքների հետ, որ հրատարակում են կառավարությունները, ստեղծվում են
մարդկանց կամքով և լուրջ իրավական ուժ ունեն: Բայց դրանք ամենևին չփոթել
լի կարելի:

Մարքսիզմը գիտության օրենքները, — միևնույն է՝ խոսքը բնագիտության
օրենքների թե քաղաքատնտեսության օրենքների մասին է, — ըմբռնում է որ-
պես մարդկանց կամքից անկախ տեղի ունեցող օբեկտիվ պրոցեսների արտա-
ցոլում: Մարդիկ կարող են հայտնագործել այդ օրենքները, ճանաչել դրանք,

ուսումնասիրել զրանք. հաշվի առնել զրանք իրենց գործողություններում, օգտագործել զրանք հօգուտ հասարակության, բայց նրանք չեն կարող փոխել կամ վերացնել զրանք: Նրանք առավել ևս չեն կարող սահմանել կամ ստեղծել գիտության նոր օրենքներ:

Նշանակում է սա արդյոք, որ, օրինակ, բնության օրենքների գործողությունների հետևանքները, բնության ուժերի գործողությունների հետևանքներն առհասարակ անկանխելի են, որ բնության ուժերի կործանարար գործողություններն ամենուրեք և մշտապես տեղի են ունենում մարդկանց ներգործությանը չենթարկվող տարերային-անողոր ուժով: Ո՛չ, չի նշանակում: Եթե նկատի չունենալք աստղաբաշխական, երկրաբանական և համանման մի քանի այլ պրոցեսներ, որտեղ մարդիկ, եթե նույնիսկ նրանք ճանաչել են այդ պրոցեսների զարգացման օրենքները, իսկապես անզոր են ներգործելու նրանց վրա, ապա շատ ուրիշ դեպքերում մարդիկ ամենեին էլ անզոր չեն բնության պրոցեսների վրա իրենց ներգործության հնարավորության իմաստով: Բոլոր այդպիսի դեպքերում մարդիկ, ճանաչելով բնության օրենքները, հաշվի առնելով դրանք և հենվելով դրանց վրա, հմտորեն կիրառելով ու օգտագործելով զրանք, կարող են սահմանափակել դրանց գործողության ոլորտը, բնության կործանարար ուժերին տալ այլ ուղղություն, բնության կործանարար ուժերը օգտակար դարձնել հասարակությանը:

Վերցնենք բաղաձայնի օրինակներից մեկը: Հնագույն դարաշրջանում մեծ գետերի վարարումը, հեղեղները, այդ կապակցությամբ էլ բնակարանների ու ցանքերի ոչնչացումը համարվում էին անկանխելի աղետ, որի դեմ մարդիկ անզոր էին: Սակայն ժամանակի ընթացքում, մարդկային գիտելիքների զարգացման հետ մեկտեղ, երբ մարդիկ սովորեցին ամրաբնակներ և հիդրոկայաններ կառուցել, հնարավոր դարձավ հասարակությանը դերժ պահել հեղեղների աղետներից, որոնք նախկինում նսկանխելի էին թվում: Այվելին, մարդիկ սովորեցին սանձահարել բնության կործանարար ուժերը, այսպես ասած թամբել զրանք, չրի ուժը օգտակար դարձնել հասարակությանը և այն օգտագործել դաշտերը ոռոգելու համար, էներգիա ստանալու համար:

Նշանակում է սա արդյոք, թե մարդիկ զրանով իսկ վերացրին բնության օրենքները, գիտության օրենքները, ստեղծեցին բնության նոր օրենքներ, գիտության նոր օրենքներ: Ո՛չ, չի նշանակում: Բանն այն է, որ չրի կործանարար ուժերի գործողությունները կանխելու և դրանք հասարակության օգտին գործադրելու այդ ամբողջ պրոցեսիւրան ընթանում է առանց գիտության օրենքների որևէ խախտման, փոփոխման կամ ոչնչացման, առանց գիտության նոր օրենքներ ստեղծելու: Ընդհակառակը, այդ ամբողջ պրոցեսիւրան իրագործվում է բնության օրենքների, գիտության օրենքների ճշգրիտ հիման վրա, որովհետև բնության օրենքների որևէ խախտումը, դրանց ամենափոքր խախտումը միայն կկազմալուծեր գործը, կվիժեցներ պրոցեսիւրան:

Նույնը պետք է ասել տնտեսական զարգացման օրենքների մասին, քաղաքատնտեսության օրենքների մասին,— միևնույն է՝ խոսքը կապիտալիզմի ժամանակաշրջանի մասին է, թե սոցիալիզմի ժամանակաշրջանի: Այստեղ ևս, ինչպես և բնագիտության մեջ, տնտեսական զարգացման օրենքները հանդիսանում են մարդկանց կամքից անկախ տեղի ունեցող տնտեսական զարգացման պրոցեսներն արտացոլող օրենքիւթիվ օրենքներ: Մարդիկ կարող են հայտնագործել այդ օրենքները, ճանաչել զրանք և, հենվելով դրանց վրա, օգտա-

գործել զրանք հօգուտ հասարակության, այլ ուղղություն տալ որոշ օրենքների կործանարար գործողություններին, սահմանափակել զրանց գործողության ոլորտը, լայն ասպարեզ տալ իրենց համար ճանապարհ հարթող մյուս օրենքներին, բայց նրանք չեն կարող ոչնչացնել այդ օրենքները կամ ստեղծել նոր տնտեսական օրենքներ:

Քաղաքատնտեսության առանձնահատկություններից մեկն այն է, որ նրա օրենքները, ի տարբերություն բնագիտության օրենքների, հարատև չեն, որ զրանք, գոնե զրանց մեծամասնությունը, գործում են որոշ պատմական ժամանակաշրջանի ընթացքում, որից հետո զրանք իրենց տեղը զիջում են նոր օրենքներին: Բայց զրանք, այդ օրենքները, չեն ոչնչացվում, այլ կորցնում են իրենց ուժը նոր տնտեսական պայմանների շնորհիվ և հեռանում են ասպարեզից, արպեսդի պիչեն տեղը նոր օրենքներին, որոնք մարդկանց կամքով չեն ստեղծվում, այլ առաջանում են նոր տնտեսական պայմանների բազայի վրա:

Վկայակոչում են էնգելսի «Անտի-Դյուրինգ»-ը, նրա այն ֆորմուլան, որ կապիտալիզմի լիկվիդացումով և արտադրության միջոցների հանրայնացումով մարդիկ իշխանություն կստանան իրենց արտադրության միջոցների վրա, որ նրանք ազատություն կստանան հասարակական-տնտեսական հարաբերությունների ձևումից, կդառնան իրենց հասարակական կյանքի «տերերը»: Էնգելսը այդ ազատությունն անվանում է «ճանաչված անհրաժեշտություն»: Իսկ ինչ կարող է նշանակել «ճանաչված անհրաժեշտությունը»: Դա նշանակում է, որ մարդիկ, ճանաչելով օրեկտիվ օրենքները («անհրաժեշտությունը»), այդ օրենքները միանգամայն գիտակցորեն կկիրառեն հօգուտ հասարակության: Հենց այդ պատճառով էլ էնգելսը նույն տեղում ասում է, որ

օնրանց սեփական հասարակական գործողությունների օրենքները, որոնք մինչև այժմ կանգնած էին մարդկանց դեմ որպես օտար, նրանց վրա իշխող բնության օրենքներ, գործի յիակատար իմացությամբ կկիրառվեն մարդկանց կողմից, հետևապես, կենթարկվեն նրանց իշխանությանը»:

Էնգելսի ֆորմուլան, ինչպես երևում է, խոսում է ամենևին ոչ նրանց օգտին, ովքեր կարծում են, թե սոցիալիզմի ժամանակ կարելի է ոչնչացնել գոյություն ունեցող տնտեսական օրենքները և ստեղծել նորերը: Այդ ֆորմուլան, բնդհակառակը, պահանջում է ոչ թե ոչնչացնել, այլ ճանաչել տնտեսական օրենքները և հմտորեն կիրառել զրանք:

Ասում են, թե տնտեսական օրենքները տարերային բնույթ են կրում, թե այդ օրենքների գործողությունները անկանխելի են, թե հասարակությունը անզոր է զրանց հանդեպ: Դա ճիշտ չէ: Դա օրենքների ֆետիշացում է, օրենքներին սուրկանալ է: Լեպպուցոված է, որ հասարակությունն անզոր չէ օրենքների հանդեպ, որ հասարակությունը, ճանաչելով տնտեսական օրենքները և ենթկելով զրանց վրա, կարող է սահմանափակել զրանց գործողության ոլորտը, օգտագործել զրանք հօգուտ հասարակության և «թամբել» զրանք, ինչպես այդ տեղի ունի բնության ուժերի ու զրանց օրենքների նկատմամբ, ինչպես այդ տեղի ունի մեծ գետերի վարարման վերաբերյալ վերը բերված օրինակում:

Վկայակոչում են Սովետական իշխանության առանձնահատուկ դերը սոցիալիզմի կառուցման գործում, մի դեր, որն իրր թե իշխանությանը հետաքննություն է տալիս ոչնչացնելու տնտեսական զարգացման գոյություն ունեցող օրենքները և «սահմանելու» նորերը: Դա նույնպես ճիշտ չէ:

Սովետական իշխանության առանձնահատուկ դերը բացատրվում է երկու հանգամանքներով՝ առաջին, նրանով, որ Սովետական իշխանությունը պետք է ոչ թե փոխարիներ շահագործման մի ձևը մյուս ձևով, ինչպես այդ տեղի ունեցավ հին ռեպուբլիկաներում, այլ պետք է լիկվիդացներ ամեն մի շահագործում, երկրորդ, նրանով, որ երկրում սոցիալիստական տնտեսության պատրաստի սաղմերի իսպառ բացակայության պատճառով նա պետք է այսպես ասած՝ «ամառի տեղում» ստեղծեր տնտեսության նոր, սոցիալիստական ձևեր:

Այդ խնդիրը անշուշտ դժվարին էր և բարդ, նախադեպեր չունեցող: Այնուամենայնիվ, Սովետական իշխանությունը պատվով կատարեց այդ խնդիրը: Բայց նա այդ կատարեց ոչ թե այն բանի շնորհիվ, որ իբրև թե ոչնչացրեց գոյություն ունեցող տնտեսական օրենքները և «սահմանեց» նորերը, այլ միայն շնորհիվ այն բանի, որ նա հենվում էր արտադրողական ուժերի բնույթին արտադրական հարաբերությունների պարտադիր համապատասխանության տնտեսական օրենքի վրա: Մեր երկրի արտադրողական ուժերը, առանձնապես արդյունաբերության մեջ, ունեին հասարակական բնույթ, իսկ սեփականության ձևը մասնավոր էր, կապիտալիստական: Հենվելով արտադրողական ուժերի բնույթին արտադրական հարաբերությունների պարտադիր համապատասխանության տնտեսական օրենքի վրա, Սովետական իշխանությունը հանրայնացրեց արտադրության միջոցները, զրանք դարձրեց ամբողջ ժողովրդի սեփականություն և հենց զրանով էլ ոչնչացրեց շահագործման սխտեմը, ստեղծեց տնտեսության սոցիալիստական ձևեր: Եթե չլինեք այդ օրենքը, և եթե Սովետական իշխանությունը չհենվեր զրա վրա, նա չէր կարող կատարել իր խնդիրը:

Արտադրողական ուժերի բնույթին արտադրական հարաբերությունների պարտադիր համապատասխանության տնտեսական օրենքը վաղուց է իր համար ճանապարհ հարթում կապիտալիստական երկրներում: Եթե նա ղեկավարվի ճանապարհ չի հարթել իր համար և ղեկ լայն ասպարեզ չի ելել, ապա դա այն պատճառով, որ նա շատ ուժեղ գիմադրության է հանդիպում հասարակության մահացող ուժերի կողմից: Այստեղ մենք հանդիպում ենք տնտեսական օրենքների մյուս առանձնահատկությանը: Ի տարբերություն բնագիտության օրենքների, որտեղ նոր օրենքի հայտնագործումը և կիրառումը քիչ թե շատ հարթ է բնթանում, տնտեսական բնագավառում հասարակության մահացող ուժերի շահերին դիպչող նոր օրենքի հայտնագործումը և կիրառումը շատ ուժեղ գիմադրության են հանդիպում այդ ուժերի կողմից: Հետևաբար, հարկավոր է մի ուժ, այդ գիմադրությունը հաղթահարելու ընդունակ հասարակական ուժ: Մեր երկրում այդ ուժը գտնվեց հասարակության ճնշող մեծամասնությունը՝ ներկայացնող բանվոր դասակարգի և գյուղացիության զաչինքի ձևով: Այդպիսի ուժ ղեկավար չի գտնվել մյուս, կապիտալիստական երկրներում: Գրանում է այն բանի գաղտնիքը, որ Սովետական իշխանությանը հաջողվեց չախջախել հասարակության հին ուժերը, իսկ արտադրողական ուժերի բնույթին արտադրական հարաբերությունների պարտադիր համապատասխանության տնտեսական օրենքը լիակատար ասպարեզ ստացավ մեզ մոտ:

Ասում են, թե մեր երկրի ժողովրդական տնտեսության սլանաչափ (պրոպորցիոնալ) վարկացման անհրաժեշտությունը Սովետական իշխանությանը հնարավորություն է տալիս ոչնչացնելու գոյություն ունեցող տնտեսական օրենքները և ստեղծելու նորերը: Դա միանգամայն սխալ է: Զի կարելի մեր

տարեկան և հնգամյա պլանները շփոթել ժողովրդական տնտեսության պլանաչափ, պրոպորցիոնալ զարգացման օրեկտիվ տնտեսական օրենքի հետ: Ժողովրդական տնտեսության պլանաչափ զարգացման օրենքը առաջացավ ի հակակշիռ կոալիտալիզմի ժամանակ գործող կոնկուրենցիայի և արտադրության անարխիայի օրենքի: Նա առաջացավ արտադրության միջոցների հանրայնացման բաղադրի վրա, այն բանից հետո, երբ կոնկուրենցիայի ու արտադրության անարխիայի օրենքը կորցրեց իր ուժը: Նա գործողության մեջ մտավ այն պատճառով, որ սոցիալիստական ժողովրդական տնտեսությունը կարելի է վարել միայն ժողովրդական տնտեսության պլանաչափ զարգացման տնտեսական օրենքի հիման վրա: Դա նշանակում է, որ ժողովրդական տնտեսության պլանաչափ զարգացման օրենքը մեր պլանավորող օրգաններին հնարավորություն է տալիս ճիշտ պլանավորելու հասարակական արտադրությունը: Բայց հնարավորությունը չի կարելի շփոթել իրականության հետ: Դրանք երկու տարբեր բաներ են: Այդ հնարավորությունը իրականություն դարձնելու համար հարկավոր է ուսումնասիրել այդ տնտեսական օրենքը, հարկավոր է տիրապետել դրան, հարկավոր է սովորել այն կիրառել գործի լիակատար իմացությամբ, հարկավոր է կազմել այնպիսի պլաններ, որոնք լիովին արտացոլում են այդ օրենքի պահանջները: Չի կարելի տեսլ, թե մեր տարեկան և հնգամյա պլանները լիովին արտացոլում են այդ տնտեսական օրենքի պահանջները:

Ասում են, թե մեզ մոտ սոցիալիզմի ժամանակ գործող որոշ տնտեսական օրենքներ, այդ թվում նաև արժեքի օրենքը պլանային տնտեսության հիման վրա «վերափոխված» կամ նույնիսկ «արմատապես վերափոխված» օրենքներ են: Դա նույնպես սխալ է: Չի կարելի «վերափոխել» օրենքները, այն էլ «արմատապես»: Եթե կարելի է վերափոխել դրանք, ապա կարելի է նաև ոչնչացնել, փոխարինելով այլ օրենքներով: Օրենքների «վերափոխման» թեզիսը օրենքների «ոչնչացման» և «սահմանման» սխալ ֆորմուլայի մնացուկն է: Թեև տնտեսական օրենքների վերափոխման ֆորմուլան վաղուց արդեն գործածության մեջ է մտել մեզ մոտ, պետք է հրաժարվել նրանից հանուն ճշգրտության: Կարելի է սահմանափակել այս կամ այն տնտեսական օրենքի գործողության ոլորտը, կարելի է կանխել այդ օրենքների կործանարար գործողությունները, եթե, իհարկե, այդպիսիք կան, բայց չի կարելի «վերափոխել» կամ «ոչնչացնել» դրանք:

Անհաբար, երբ խոսում են բնության ուժերը կամ տնտեսական ուժերը «հնազանդեցնելու» մասին, նրանց վրա «իշխելու» մասին և այլն, ապա դրանով երբեք չեն ուղղում ասել, թե մարդիկ կարող են «ոչնչացնել» գիտության օրենքները կամ «սահմանել» դրանք: Ընդհակառակը, դրանով ուղղում են ասել միայն այն, որ մարդիկ կարող են հայտնագործել օրենքները, ճանաչել դրանք, տիրապետել դրանց, սովորել կիրառել դրանք գործի լիակատար իմացությամբ, օգտագործել դրանք հոգուտ հասարակության և այդ ձևով հնազանդեցնել դրանց, իշխել դրանց վրա:

Այսպես ուրեմն, սոցիալիզմի ժամանակ քաղաքատնտեսության օրենքները օրեկտիվ օրենքներ են, որոնք արտացոլում են տնտեսական կյանքի՝ մեր կամքից անկախ կատարվող պրոցեսների օրինաչափությունը: Այս դրույթը ժխտող մարդիկ ըստ էության ժխտում են գիտությունը, իսկ գիտությունը ժխտելով, դրանով իսկ ժխտում են ամեն մի կոնխատեսման հնարավորու-

թյուն.— հետեւապես, ժխտում են տնտեսական կյանքը ղեկավարելու հնարավորությունը:

Կարող են ասել, թե այն ամենը, ինչ ասվեց այստեղ, ճիշտ և հանրահայտ է, բայց նրա մեջ ոչ մի նոր բան չկա և որ, հետեւաբար, չարժե ժամանակ վատնել հանրահայտ ճշմարտությունները կրկնելու վրա: Այստեղ, իհարկե, իսկապես ոչ մի նոր բան չկա, բայց ճիշտ չէր լինի կարծել, թե չարժե ժամանակ վատնել մեզ հայտնի որոշ ճշմարտությունները կրկնելու վրա: Բանն այն է, որ ամեն տարի մեզ, որպես ղեկավար միջուկի, մոտենում են հազարավոր նոր երիտասարդ կադրեր, նրանք այրվում են մեզ օգնելու տենչով, այրվում են իրենց ցույց տալու տենչով, բայց շունեն բավականաչափ մարքսիստական դաստիարակություն, չգիտեն շատ, մեզ լավ հայտնի ճշմարտությունները և ստիպված են խարխափել խավարում: Նրանք ապշած են Սովետական իշխանության վիթխարի նվաճումներից, նրանց գլուխը պտտվում է սովետական հասարակարգի արտակարգ հաջողություններից, և նրանք սկսում են երեւակայել, թե Սովետական իշխանությունը «ամեն ինչ կարող է», թե նրա համար «ամեն բան հեշտ է», թե նա կարող է ոչնչացնել գիտության օրենքները, սահմանել նոր օրենքներ: Ինչպե՞ս վարվել այդ ընկերների հետ: Ինչպե՞ս նրանց դաստիարակել մարքսիզմ-լենինիզմի ոգով: Ես կարծում եմ, որ այսպես կոչված «հանրահայտ» ճշմարտությունների սխտեմատիկ կրկնումը, դրանց համբերատար պարզաբանումը այդ ընկերների մարքսիստական դաստիարակման լավագույն միջոցներից մեկն է:

2. ԱՊՐԱՆՔԱՅԻՆ ԱՐՏԱԴՐՈՒԹՅԱՆ ՀԱՐՑԻՆ ՍՈՑԻԱԼԻՉՄԻ ԺԱՄԱՆԱԿ

Որոշ ընկերներ պնդում են, թե պարտիան ճիշտ չի վարվել, պահպանելով ապրանքային արտադրությունը այն բանից հետո, երբ նա վերցրեց իշխանությունը և ազգայնացրեց արտադրության միջոցները մեր երկրում: Նրանք գտնում են, թե պարտիան հենց այն ժամանակ պետք է վերացներ առաջնաբային արտադրությունը: Ընդ որում նրանք վկայակոչում են էնգելսին, որն ասում է

«Քանի որ հասարակությունը իր տրամադրության տակ կվերցնի արտադրության միջոցները, ապա կվերացվի ապրանքային արտադրությունը, իսկ դրա հետ միասին նաև արդյունքների տիրապետությունը արտադրողների վրա» (տե՛ս «Անտի-Դյուրինգ»-ը):

Այդ ընկերները խորապես սխալվում են:

Քննենք էնգելսի ֆորմուլան: Էնգելսի ֆորմուլան չի կարելի լիովին պարզ և ճշգրիտ համարել, որովհետև այնտեղ չի նշվում, թե խոսքը արդյոք այն մասին է, որ հասարակությունը պետք է արտադրության բոլոր միջոցները վերցնի իր տրամադրության տակ, թե արտադրության միջոցների միայն մի մասը, այսինքն՝ արտադրության բոլոր միջոցներն են արդյոք համաժողովրդական սեփականություն դարձված, թե արտադրության միջոցների միայն մի մասը: Նշանակում է՝ էնգելսի այդ ֆորմուլան կարելի է հասկանալ և՛ այսպես, և՛ այնպես:

«Անտի-Դյուրինգ»-ի մի այլ տեղում էնգելսը խոսում է «արտադրության բոլոր միջոցներին» տիրելու, «արտադրության միջոցների ամբողջությամբ» տիրելու մասին: Նշանակում է՝ էնգելսն իր ֆորմուլայում նկատի ունի ո՛չ թե ար-

տադրության միջոցների մի մասի, այլ արտադրության բոլոր միջոցների աղ-
դանացումը, այսինքն՝ արտադրության միջոցները համաժողովրդական սե-
փականություն դարձնելը ո՛չ միայն արդյունաբերության մեջ, այլև գյուղա-
տնտեսության մեջ:

Դրանից հետևում է, որ էնգելսը նկատի ունի այնպիսի երկրներ, որտեղ
կապիտալիզմը և արտադրության համակենտրոնացումը ո՛չ միայն խրախուսա-
վելու, այլև գյուղատնտեսության մեջ բավականաչափ զարգացած
են՝ երկրի արտադրության բոլոր միջոցները էքսպրոպրիացիայի ենթար-
կելու և դրանք համաժողովրդական սեփականություն դարձնելու համար: Էն-
գելսը, հետևաբար, գտնում է, որ Նյուգլիտի երկրներում արտադրության բոլոր
միջոցների հանրայնացման հետ մեկտեղ հարկավոր կլինեն վերացնել տարան-
քային արտադրությունը: Եվ այդ, իհարկե, ճիշտ է:

Այդպիսի երկիր էր անցյալ դարի վերջում, «Անտի-Դյուրինգ»-ի լույս ըն-
ծալման ժամանակ, միայն մեկ երկիր՝ Անգլիան, որտեղ կապիտալիզմի զար-
գացումը և արտադրության համակենտրոնացումը ինչպես արդյունաբերու-
թյան, այնպես էլ գյուղատնտեսության մեջ հասցված էին այնպիսի կետի, որ
իշխանությունը պրոլետարիատի կողմից գրավելու դեպքում հնարավոր էր
երկրի արտադրության բոլոր միջոցները դարձնել համաժողովրդական սեփա-
կանություն և մեջտեղից վերացնել ապրանքային արտադրությունը:

Սա տվյալ դեպքում մի կողմ եմ թողնում Անգլիայի համար արտաքին
առևտրի ունեցած նշանակության հարցը՝ Անգլիայի ժողովրդական տնտեսու-
թյան մեջ նրա վիթխարի տեսակարար կշռով հանդերձ: Իսկ արժեքում եմ, որ
այդ հարցը ուսումնասիրելուց հետո միայն հնարավոր կլինեն վերջնականա-
պես լուծել ապրանքային արտադրության ճակատագրի հարցը Անգլիայում՝
իշխանությունը պրոլետարիատի կողմից գրավելուց և արտադրության բոլոր
միջոցները ազգայնացնելուց հետո:

Ի դեպ, ո՛չ միայն անցյալ դարի վերջում, այլև ներկա ժամանակներում
դեռ ոչ մի երկիր չի հասել կապիտալիզմի զարգացման և արտադրության հա-
մակենտրոնացման այն աստիճանին գյուղատնտեսության մեջ, որպիսին մենք
տեսնում ենք Անգլիայում: Ինչ վերաբերում է մյուս երկրներին, ապա այնտեղ,
չնայած կապիտալիզմի զարգացմանը գյուղում, դեռևս կա գյուղի մանր և մի-
ջին սեփականատեր-արտադրողների բավական մեծաթիվ մի դասակարգ,
որոնց բախտը հարկ կլինեն որոշել իշխանությունը պրոլետարիատի կողմից
գրավելու դեպքում:

Բայց ահա մի հարց. ինչպե՞ս պետք է վարվեն պրոլետարիատը և նրա
պարտիան, եթե այս կամ այն երկրում, այդ թվում մեր երկրում, կան իշխա-
նությունը պրոլետարիատի կողմից գրավելու և կապիտալիզմը տապալելու
բարենպաստ պայմաններ, որտեղ կապիտալիզմը արդյունաբերության մեջ
այն աստիճան է համակենտրոնացրել արտադրության միջոցները, որ կարելի
է դրանք էքսպրոպրիացիայի ենթարկել և դնել հասարակության տրամադրու-
թյան տակ, բայց որտեղ գյուղատնտեսությունը, չնայած կապիտալիզմի սոճ-
մանը, դեռևս այնքան է մասնատված բազմաթիվ մանր ու միջին սեփականա-
տեր-արտադրողների միջև, որ հնարավոր չէ դնել այդ արտադրողներին էքս-
պրոպրիացիայի ենթարկելու հարցը:

Այս հարցին էնգելսի Ֆորմուլան պատասխան չի տալիս: Ի դեպ, նա
չպետք է էլ պատասխան տա այս հարցին, որովհետև նա առաջացել է այն

հարցի, հատկապես այն հարցի բազայի վրա, թե ի՞նչ ճակատագիր պետք է ունենա ապրանքային արտադրությունն այն բանից հետո, երբ հանրայնացված են արտադրության բոլոր միջոցները:

Այսպես ուրեմն, ինչպե՞ս վարվել, եթե հանրայնացված են արտադրության ոչ-բոլոր միջոցները, այլ արտադրության միջոցների միայն մի մասը, իսկ իշխանությունը պրոլետարիատի կողմից գրավելու բարենպաստ պայմաններն առկա են, — արդյոք պրոլետարիատը պե՞տք է գրավի իշխանությունը և արդյոք հարկավո՞ր է դրանից անմիջապես հետո ոչնչացնել ապրանքային արտադրությունը:

Չի կարելի, իհարկե, պատասխան անվանել որոշ վայ-մարքսիստների կտրծիքը, որոնք գտնում են, թե այդպիսի պայմաններում հարկ կլինե՞ր հրաժարվել իշխանությունը գրավելուց և սպասել, մինչև որ կապիտալիզմը քայքայի միլիոնավոր մանր և միջին արտադրողներին, նրանց դարձնելով բատրակներ. և համակենտրոնացնի արտադրության միջոցները գյուղատնտեսության մեջ, թե դրանից հետո միայն կարելի էր դնել իշխանությունը պրոլետարիատի կողմից գրավելու և արտադրության բոլոր միջոցները հանրայնացնելու հարցը: Հասկանալի է, որ մարքսիստները, եթե նրանք չեն ուզում ամբողջապես խաչտառակել իրենց, չեն կարող համաձայնել այդպիսի «ելքի» հետ:

Չի կարելի պատասխան համարել նաև այն վայ-մարքսիստների կտրծիքը, որոնք կարծում են, թե հարկ կլինե՞ր, թերևս, գրավել իշխանությունը և էքսպրոպրիացիայի ենթարկել մանր ու միջին արտադրողներին գյուղում և հանրայնացնել նրանց արտադրության միջոցները: Այդ անմիտ ու հանցավոր ուղուն նույնպես չեն կարող դիմել մարքսիստները, որովհետև այդ ուղին կխափաներ պրոլետարական ռեյուցիայի հաղթանակի ամեն մի հնարավորություն, գյուղացիությանը երկար ժամանակով կնետեր պրոլետարիատի թշնամիների լաղերը:

Այդ հարցին պատասխան է տվել Լենինը «պարենհարկի մասին» իր աշխատություններում և իր հռչակավոր «կոոպերատիվ պլանում»:

Լենինի պատասխանը համառոտակի հանգում է հետևյալին՝

ա) բաց չթողնել իշխանությունը գրավելու համար բարենպաստ պայմանները, պրոլետարիատը պետք է գրավի իշխանությունը, չսպասելով մինչև այն մոմենտը, երբ կապիտալիզմը կկարողանա քայքայել մանր ու միջին անհատական արտադրողների բազմամիլիոն բնակչությանը.

բ) էքսպրոպրիացիայի ենթարկել արտադրության միջոցները արդյունաբերության մեջ և դրանք դարձնել համաժողովրդական սեփականություն.

գ) ինչ վերաբերում է մանր ու միջին անհատական արտադրողներին, ապա նրանց աստիճանաբար միավորել արտադրական կոոպերատիվներում, յսխինքն՝ խոշոր գյուղատնտեսական ձեռնարկությունների, կոլտնտեսությունների մեջ.

դ) ամեն կերպ վարգացնել ինդուստրիան և կոլտնտեսությունները դնել խոշոր արտադրության ժամանակակից տեխնիկական բազայի վրա, ընդ որում ո՛չ թե էքսպրոպրիացիայի ենթարկել, այլ, ընդհակառակը, ուժեղ թափով առաջնակարգ տրակտորներ և այլ մեքենաներ մատակարարել նրանց.

ե) իսկ քաղաքի և գյուղի, արդյունաբերության և գյուղատնտեսության տնտեսական զոդման համար մի որոշ ժամանակվա ընթացքում պահպանել ապրանքային արտադրությունը (փոխանակությունը առուժախի միջո-

ցով) որպես քաղաքի հետ տնտեսական կապերի՝ գյուղացիների համար միակ ընդունելի ձևը, և լայնորեն ծավալել սովետական՝ պետական և կոոպերատիվ-կոլտնտեսային առևտուրը, ապրանքաշրջանառությունից դուրս մղելով բոլոր և ամեն տեսակ կապիտալիստներին:

Մեր սոցիալիստական շինարարության պատմությունը ցույց է տալիս. որ Հենինի նշած դարգացման այդ ուղին լիովին արդարացրել է իրեն:

Տարակույս չի կարող լինել, որ մանր ու միջին արտադրողների քիչ թե շատ մեծաթիվ դասակարգ ունեցող բոլոր կապիտալիստական երկրների համար պարզացման այդ ուղին միակ հնարավոր և նպատակահարմար ուղին է սոցիալիզմի հաղթանակի համար:

Ասում են, թե ապրանքային արտադրությունը, այնուամենայնիվ, բոլոր պայմաններում էլ պետք է տանի և անպայմանորեն կտանի դեպի կապիտալիզմ: Դա ճիշտ չէ: Ո՛չ միշտ և ո՛չ ամեն տեսակ պայմաններում: Չի կարելի ապրանքային արտադրությունը նույնացնել կապիտալիստական արտադրության հետ: Դրանք երկու տարբեր բաներ են: Կապիտալիստական արտադրությունը ապրանքային արտադրության բարձրագույն ձևն է: Ապրանքային արտադրությունը դեպի կապիտալիզմ է տանում միայն այն դեպքում, երբ գոյություն ունի արտադրության միջոցների մասնավոր սեփականություն, երբ աշխատուժը շուկա է դուրս գալիս որպես ապրանք, որը կապիտալիստը կարող է դնել և շահագործել արտադրության պրոցեսում, երբ, հետևաբար, երկրում գոյություն ունի կապիտալիստների կողմից վարձու բանվորների շահագործման սիստեմ: Կապիտալիստական արտադրությունը սկսվում է այնտեղ, որտեղ արտադրության միջոցները կենտրոնացած են մասնավոր ձեռքերում, իսկ բանվորները, որոնք զուրկ են արտադրության միջոցներից, ստիպված են վաճառել իրենց աշխատուժը որպես ապրանք: Առանց դրան չկա կապիտալիստական արտադրություն:

Լավ, իսկ եթե չկան այն պայմանները, որոնք ապրանքային արտադրությունը դարձնում են կապիտալիստական արտադրություն, եթե արտադրության միջոցները արդեն ո՛չ թե մասնավոր, այլ սոցիալիստական սեփականություն են կազմում, եթե գոյություն չունի վարձու աշխատանքի սիստեմ, և աշխատուժը այլևս ապրանք չէ, եթե շահագործման սիստեմը վաղուց արդեն լիկվիդացված է, — ինչպե՞ս վարվել այդ դեպքում. կարելի է արդյոք համարել, թե ապրանքային արտադրությունը այնուամենայնիվ կտանի դեպի կապիտալիզմ: Ո՛չ, չի կարելի համարել: Չէ՞ որ մեր հասարակությունը հենց այնպիսի հասարակություն է, որտեղ արտադրության միջոցների մասնավոր սեփականությունը, վարձու աշխատանքի սիստեմը, շահագործման սիստեմը վաղուց արդեն գոյություն չունեն:

Չի կարելի ապրանքային արտադրությունը դիտել որպես ինչ-որ ինքնաբավ, շրջապատող տնտեսական պայմաններից անկախ արտադրություն: Ապրանքային արտադրությունն ավելի հին է, քան կապիտալիստական արտադրությունը: Նա գոյություն ուներ ստրկատիրական հասարակարգի պայմաններում և սպասարկում էր նրան, սակայն չհասցրեց կապիտալիզմին: Նա գոյություն ուներ ֆեոդալիզմի պայմաններում և սպասարկում էր նրան, սակայն, չնայած որ նա որոշ պայմաններ նախապատրաստեց կապիտալիստական արտադրության համար, չհասցրեց կապիտալիզմին: Հարց է ծագում, թե ինչո՞ւ ապրանքային արտադրությունը նույնպես մի որոշ ժամանակաշրջա-

նում չի կարող սպասարկել մեր սոցիալիստական հասարակարդին, շտանելով դեպի կապիտալիզմ, եթե նկատի ունենանք այն, որ ապրանքային արտադրությունը մեզ մոտ այնպես անսահմանափակ ու համապարփակ կերպով չի ստարածված, ինչպես կապիտալիստական պայմաններում, որ այդ արտադրությունը մեզ մոտ դրված է խիստ շրջանակների մեջ տնտեսական այնպիսի վճռական պայմանների շնորհիվ, ինչպիսիք են արտադրության միջոցների հանրային սեփականությունը, վարձու աշխատանքի սիստեմի լիկվիդացումը, շահագործման սիստեմի լիկվիդացումը:

Ասում են, թե այն բանից հետո, երբ մեր երկրում հաստատվեց արտադրության միջոցների հանրային սեփականության տիրապետություն, իսկ վարձու աշխատանքի և շահագործման սիստեմը լիկվիդացվեց, ապրանքային արտադրության գոյությունը կորցրել է իր իմաստը, որ այդ պատճառով էլ հարկավոր է վերացնել ապրանքային արտադրությունը:

Դա նույնպես ճիշտ չէ: Ներկայումս մեզանում գոյություն ունեն սոցիալիստական արտադրության երկու հիմնական ձևեր՝ պետական-համաժողովրդական և կոլտնտեսային, որը չի կարելի համաժողովրդական անվանել: Պետական ձեռնարկություններում արտադրության միջոցները և արտադրության արտադրանքը համաժողովրդական սեփականություն են կազմում: Իսկ կոլտնտեսային ձեռնարկություններում, թեպետև արտադրության միջոցները (հողը, մեքենաները) պատկանում են պետությանը, սակայն արտադրության արտադրանքը կազմում է առանձին կոլտնտեսությունների սեփականությունը, որովհետև կոլտնտեսություններում աշխատանքը, ինչպես և սերմացուն, — իրենց սեփականն է, իսկ կոլտնտեսություններին առհավետ օգտագործման հանձնված հողը կոլտնտեսությունները փաստորեն տնօրինում են ինչպես իրենց սեփականությունը, չնայած որ նրանք չեն կարող հողը վաճառել, գնել, վարձակալության հանձնել կամ դրավ դնել:

Այս հանգամանքը հանգեցնում է այն բանին, որ պետությունը կարող է տնօրինել միայն պետական ձեռնարկությունների արտադրանքը, այնինչ կոլտնտեսային արտադրանքը տնօրինում են միայն կոլտնտեսությունները, որպես իրենց սեփականությունը: Եւ այց կոլտնտեսություններն իրենց մթերքները չեն ցանկանում օտարել այլ կերպ, քան որպես ապրանքներ, որոնց փոխարեն նրանք ցանկանում են ստանալ իրենց հարկավոր ապրանքները: Ներկայումս ապրանքային կապերից բացի, առուժախի միջոցով կատարվող փոխանակությունից բացի, կոլտնտեսություններն այլ տնտեսական կապեր քաղաքի հետ չեն ընդունում: Ուստի ապրանքային արտադրությունը և ապրանքաշրջանառությունը մեզանում ներկայումս նույնպիսի անհրաժեշտություն են, ինչպիսիք էին դրանք, ասենք, մի երեսուն տարի առաջ, երբ լենինը հռչակեց ապրանքաշրջանառությունն ամեն կերպ ծավալելու անհրաժեշտությունը:

Իհարկե, երբ երկու հիմնական արտադրական սեկտորների՝ պետական ու կոլտնտեսային սեկտորների փոխարեն հանդես դա մեկ համապարփակ արտադրական սեկտոր, որն իրավունք ունենա տնօրինելու երկրի ամբողջ սպառողական արտադրանքը, ապրանքային շրջանառությունն իր «փողային տնտեսությամբ» կանհետանա որպես ժողովրդական տնտեսության ոչ-պետքական տարր: Եւ այց բանի դեռ այդ չկա, բանի դեռ մնում են երկու հիմնական արտադրական սեկտորներ, ապրանքային արտադրությունը և ապրանքային շրջանառությունը պետք է ուժի մեջ մնան որպես անհրաժեշտ ու խիստ օգտակար

տարր մեր ժողովրդական տնտեսության սիստեմում: Թե ի՛նչ ձևով տեղի կունենա միասնական միացյալ սեկտորի ստեղծումը, արդյոք պետական սեկտորի կողմից կուտնտեսային սեկտորի սոսկ կլանմա՞ն ուղիով, որը քիչ հավանական է (որովհետև դա կընդունվի որպես կուտնտեսությունների էքսպրոպրիացիա), թե՞ միասնական համաժողովրդական այնպիսի մի տնտեսական օրդան կազմակերպելու միջոցով (որտեղ ներկայացուցչություն կլինի պետարդյունաբերությունից և կուտնտեսություններից), որն սկզբում իրավունք կունենա հաշվի առնելու երկրի ամբողջ սպառողական արտադրանքը, իսկ ժամանակի ընթացքում՝ նաև բաշխելու արտադրանքը, ասենք, մթերափոխանակության կարգով, — դա առանձին հարց է, որը պահանջում է հատուկ քննարկում:

Հետևապես, մեր ապրանքային արտադրությունը սովորական ապրանքային արտադրություն չէ, այլ առանձնահատուկ ապրանքային արտադրություն, ապրանքային արտադրություն առանց կապիտալիստների, որը հիմնականում դործ ունի միավորված սոցիալիստական արտադրողների (պետություն, կուտնտեսություններ, կոոպերացիա) ապրանքների հետ, որի դործողության ոլորտը սահմանափակված է անձնական սպառման առարկաներով, որն ակնհայտորեն ոչ մի դեպքում չի կարող դարձանալով դառնալ կապիտալիստական արտադրություն և որին վիճակված է իր «փողային տնտեսության» հետ միասին սպասարկել սոցիալիստական արտադրության զարգացման ու ամրապլնդման դործը:

Ուստի բոլորովին իրավացի չեն այն ընկերները, որոնք հայտարարում են, թե քանի որ սոցիալիստական հասարակարգը չի լիկվիդացնում արտադրության ապրանքային ձևերը, մեղանում իբրև թե պետք է վերականգնվեն կապիտալիզմին հատուկ բոլոր տնտեսական կառուցողորիաները՝ աշխատուժը որպես ապրանք, հավելյալ արժեքը, կապիտալը, կապիտալի շահույթը, շահույթի միջին նորման և այլն: Այդ ընկերները ապրանքային արտադրությունը շփոթում են կապիտալիստական արտադրության հետ և կարծում են, թե քանի որ կա ապրանքային արտադրություն, ապա պետք է լինի նաև կապիտալիստական արտադրություն: Նրանք չեն հասկանում, որ մեր ապրանքային արտադրությունն արմատապես տարբերվում է կապիտալիզմի օրոք եղած ապրանքային արտադրությունից:

Ավելին, ես կարծում եմ, որ անհրաժեշտ է դեն նետել նաև մի քանի այլ հասկացություններ, որ վերցված են Մարքսի «Կապիտալ»-ից, որտեղ Մարքսը դրադվել է կապիտալիզմի վերլուծությամբ, և արհեստականորեն կպցվում են մեր սոցիալիստական հարաբերություններին: Ես նկատի ունեմ ի միջի այլոց այնպիսի հասկացություններ, ինչպես «անհրաժեշտ» և «հավելյալ» աշխատանք, «անհրաժեշտ» և «հավելյալ» արդյունք, «անհրաժեշտ» և «հավելյալ» մամանակ: Մարքսը կապիտալիզմը վերլուծում էր նրա համար, որպեսզի պարզեր բանվոր դասակարգի շահագործման աղբյուրը, հավելյալ արժեքը և արտադրության միջոցներից զրկված բանվոր դասակարգին հոգևոր ղենք տալու կապիտալիզմը տապալելու համար: Հասկանալի է, որ Մարքսն այդ դեպքում օգտագործում է կապիտալիստական հարաբերություններին լիովին համապատասխանող հասկացություններ (կառուցողորիաներ): Բայց ավելի քան տարօրինակ է այդ հասկացությունների օգտագործումը այժմ, երբ բանվոր դասակարգը ո՛չ միայն զուրկ չէ իշխանությունից և արտադրության միջոցներից, այլ, ընդհակառակը, իշխանությունը պահում է իր ձեռքում և տիրում է առ-

տադրության միջոցներին: Այժմ մեր հասարակարգի պայմաններում բավական տնհեթեթ են հնչում աշխատուժի՝ որպես ապրանքի և բանվորների «վարձման» վերաբերող խոսքերը. կարծես թե բանվոր դասակարգը, որը տիրում է արտադրության միջոցներին, վարձում է ինքն իրեն և իր աշխատուժն ինքը վաճառում է իրեն: Նույնքան տարօրինակ է այժմ «անհրաժեշտ» և «հավելյալ» աշխատանքի մասին խոսելը. կարծես թե մեր պայմաններում բանվորների աշխատանքը, որը տրված է հասարակությանը արտադրությունն ընդլայնելու, կրթությունը, առողջապահությունը զարգացնելու, պաշտպանությունը կազմակերպելու համար և այլն, նույնքան անհրաժեշտ չէ ներկայումս իշխանության դուրս կանգնած բանվոր դասակարգի համար, որքան այն աշխատանքը, որ ծախսված է բանվորի և նրա ընտանիքի տնտեսական պահանջները բավարարելու համար:

Պետք է նշել, որ Մարքսը իր «Դոկտրինի ծրագրի քննադատությունը» աշխատության մեջ, որտեղ նա հետադուտում է արդեն ո՛չ թե կապիտալիզմը, այլ ի միջի այլոց կոմունիստական հասարակության առաջին փուլը, նա այն աշխատանքը, որը տրվում է հասարակությանը արտադրությունն ընդլայնելու, կրթության, առողջապահության, կառավարչական ծախսերի, ռեզերվներ ստեղծելու համար և այլն, նույնքան անհրաժեշտ է համարում, որքան և այն աշխատանքը, որը ծախսված է բանվոր դասակարգի սպառողական կարիքները բավարարելու համար:

Ես կարծում եմ, որ մեր տնտեսագետները պետք է վերջ դնեն հին հասկացությունների և մեր սոցիալիստական երկրում իրերի նոր գրության միջև եղած այդ անհամապատասխանությունը, հին հասկացությունները փոխարինելով նորերով, նոր դրությանը համապատասխանող հասկացություններով:

Այդ անհամապատասխանությունը մենք կարող էինք հանդուրժել մինչև մի որոշ ժամանակ, բայց հիմա հասել է ժամանակը, երբ մենք պետք է, վերջապես, վերացնենք այդ անհամապատասխանությունը:

3. ԱՐԺԵՔԻ ՕՐԵՆՔԻ ՀԱՐՑԸ ՍՈՑԻԱԼԻԶՄԻ ԺԱՄԱՆԱԿ

Ծրբեմն հարցնում են, թե մեզանում, մեր սոցիալիստական հասարակարգի պայմաններում արդյոք գոյություն ունի՞ և գործո՞ւմ է արժեքի օրենքը:

Այո, գոյություն ունի և գործում է: Այնտեղ, որտեղ կան ապրանքներ և ապրանքային արտադրություն, չի կարող չլինել նաև արժեքի օրենքը:

Արժեքի օրենքի գործողության ոլորտը մեզանում տարածվում է ամենից առաջ ապրանքային շրջանառության վրա, առուծախի միջոցով կատարվող ապրանքների փոխանակության վրա, գլխավորապես տնտեսական սպառման ապրանքների փոխանակության վրա: Այստեղ, այս բնագավառում, արժեքի օրենքը, իհարկե, որոշ սահմաններում, պահպանում է կարգավորիչի իր դերը:

Բայց արժեքի օրենքի գործողությունները չեն սահմանափակվում ապրանքային շրջանառության ոլորտով: Դրանք տարածվում են նաև արտադրության վրա: Ճիշտ է, արժեքի օրենքը կարգավորող նշանակություն չունի մեր սոցիալիստական արտադրության մեջ, բայց նա այնուամենայնիվ ներգործում է արտադրության վրա, և արտագրության ղեկավարման ժամանակ այդ բանը չի կարելի հաշվի չառնել: Երանն այն է, որ այն սպառողական արդյունքները, որոնք անհրաժեշտ են արտադրության պրոցեսում աշխատուժի ծախ-

սումները ծածկելու համար, մեզանում արտադրվում և իրացվում են որպես արժեքի օրենքի ներգործությանը ենթակա ապրանքներ: Հենց այստեղ էլ բացահայտվում է արժեքի օրենքի ներգործությունը արտադրության վրա: Այդ կապակցությամբ մեր ձեռնարկություններում ակտուալ նշանակություն ունեն այնպիսի հարցեր, ինչպիսիք են տնտեսական հաշվարկի և եկամտաբերության հարցը, ինքնարժեքի հարցը, գների հարցը և այլն: Ուստի մեր ձեռնարկությունները չեն կարող կառավարվել և չպետք է կառավարվեն առանց արժեքի օրենքի հաշվառման:

Ըստ էության արդյոք այդ Վատ չէ: Մեր այժմյան պայմաններում այդ իսկապես վատ չէ, որովհետև այդ հանգամանքը մեր տնտեսավարներին դաստիարակում է արտադրությունը ռացիոնալ կերպով վարելու ոգով և կարգապահ է դարձնում նրանց: Վատ չէ, որովհետև այդ հանգամանքը մեր տնտեսավարներին սովորեցնում է հաշվել արտադրական մեծությունները, հաշվել դրանք ստույգ կերպով և նույնքան էլ ստույգ կերպով հաշվի առնել արտադրության մեջ եղած ռեալ իրերը և ոչ թե շաղակրատել առաստաղից վերցրած «օրիենտիր տվյալների» մասին: Վատ չէ, որովհետև նա մեր տնտեսավարներին սովորեցնում է փնտրել, գտնել և օգտագործել արտադրության ընդերքում թաքնված ռեզերվները և ոչ թե ոտնատակ տալ դրանք: Վատ չէ, որովհետև նա մեր տնտեսավարներին սովորեցնում է սիստեմատիկաբար բարելավել արտադրության մեթոդները, իջեցնել արտադրության ինքնարժեքը, իրականացնել տնտեսական հաշվարկը և հասնել ձեռնարկությունների եկամտաբերության: Եւ լավ պրակտիկ դպրոց է, որը արագացնում է մեր տնտեսական կադրերի աճումը և սոցիալիստական արտադրության իսկական ղեկավարներ դառնալը՝ դարգացման այժմյան էտապում:

Ցավն այն չէ, որ արժեքի օրենքը մեզանում ներգործում է արտադրության վրա: Ցավն այն է, որ մեր տնտեսավարները և պլանավիկները, սակավ բացառությամբ, լավ ծանոթ չեն արժեքի օրենքի գործողություններին, չեն ուսումնասիրում դրանք և չեն կարողանում նկատի առնել դրանք իրենց հաշվարկումներում: Դրանով էլ հենց բացատրվում է այն խառնաշփոթությունը, որը մեզանում ռեալ տիրում է գների քաղաքականության հարցում: Ահա բազմաթիվ օրինակներից մեկը: Սրանից մի որոշ ժամանակ առաջ որոշվել էր բամբակի և հացահատիկի գների հարաբերակցությունը կարգավորել հոգուտ բամբակադործության, ճշտել բամբակագործներին վաճառվող հացահատիկի դները և բարձրացնել պետությանը հանձնվող բամբակի գները: Այս կապակցությամբ մեր տնտեսավարներն ու պլանավիկները մի առաջարկություն մտցրին, որը չէր կարող չզարմացնել Կենտկոմի անդամներին, որովհետև ըստ այդ առաջարկության մեկ տոննա հացահատիկի համար համարյա այնքան դին էր առաջադրվում, որքան մեկ տոննա բամբակի դինն էր, ընդ որում մեկ տոննա հացահատիկի գինը հավասարեցված էր մեկ տոննա թխած հացի գնին: Կենտկոմի անդամների այն դիտողություններին, որ մեկ տոննա թխած հացի դինը պետք է բարձր լինի մեկ տոննա հացահատիկի դնից՝ աղալու և թխելու լրացուցիչ ծախսերի պատճառով, որ բամբակն ընդհանրապես չատավելի թանկ արժե, քան հացահատիկը, որի մասին վկայում են նաև բամբակի և հացահատիկի համաշխարհային գները, առաջարկության հեղինակները ոչ մի խելամիտ պատասխան չկարողացան տալ: Ուստի և հարկ եղավ, որ Կենտկոմը իր ձեռքը վերցնի այդ գործը, իջեցնի հացահատիկի գները և բարձ-

րացնի բամբակի դեները: Ի՞նչ կլինեն, եթե այդ ընկերների առաջարկությունն օրինական ուժ ստանար: Մենք կբայթայեինք բամբակադործներին և կմնայինք առանց բամբակի:

Բայց արդյո՞ք այս ամենը նշանակում է, թե արժեքի օրենքի դործողությունները մեղանում նույնքան լայն ասպարեզ ունեն, որքան կապիտալիզմի ժամանակ, թե արժեքի օրենքը մեղանում արտադրության կարգավորիչ է: Ո՛չ, չի նշանակում: Լրականում արժեքի օրենքի դործողության ոլորտը մեր տնտեսակարգի սլայմաններում խիստ սահմանափակված է և դրված է շրջանակների մեջ: Արդեն ասվել է, որ ասրանքային արտադրության դործողության ոլորտում մեր հասարակարգում սահմանափակված է և դրված շրջանակների մեջ: Նույնը պետք է ասել արժեքի օրենքի դործողության ոլորտի մասին: Անսարակույս է, որ արտադրության միջոցների մասնավոր սեփականությունը բացակայությունը և արտադրության միջոցների հանրայնացումը, ինչպես քաղաքում, այնպես էլ դյուղում չեն կարող շահմանափակել արժեքի օրենքի դործողության ոլորտը և արտադրության վրա նրա ներգործության աստիճանը:

Այդ նույն ուղղությամբ է գործում ժողովրդական տնտեսության սլանաչափ (սրոսլորցիոնալ) զարգացման օրենքը, որը փոխարինել է կոնկուրենցիայի և արտադրության անարխիայի օրենքին:

Այդ նույն ուղղությամբ են գործում մեր տարեկան և հնգամյա սլանները և ընդհանրապես մեր ամբողջ տնտեսական քաղաքականությունը, որոնք հենվում են ժողովրդական տնտեսության սլանաչափ զարգացման օրենքի սլահանջների վրա:

Այս ամենը միասին հանգեցնում է այն բանին, որ արժեքի օրենքի դործողության ոլորտը մեղանում խիստ սահմանափակված է և մեր հասարակարգում արժեքի օրենքը չի կարող արտադրության կարգավորիչի դեր խաղալ:

Հենց դրանով էլ բացատրվում է այն «ապշեցուցիչ» փաստը, որ, չնայած մեր սոցիալիստական արտադրության անընդհատ և բուռն աճմանը, արժեքի օրենքը մեղանում չի տանում դեպի դերարտադրության ճգնաժամեր, մինչպես արժեքի այդ նույն օրենքը, որը կապիտալիզմի սլայմաններում դործողության լայն ոլորտ ունի, չնայած արտադրության աճման ցածր տեմպերին կապիտալիստական երկրներում, — տանում է դեպի դերարտադրության սլարբերական ճգնաժամեր:

Ասում են, թե արժեքի օրենքը մշտական օրենք է՝ սլարտադիր սլատմական զարգացման բոլոր ժամանակաշրջանների համար, որ եթե արժեքի օրենքը, որպես փոխանակային հարաբերությունների կարգավորիչ, կորցնի էլ իր ուժը կոմունիստական հասարակարգի երկրորդ փուլի ժամանակաշրջանում, ապա նա զարգացման այդ փուլում կսլահայանի իր ուժը որպես արտադրության տարբեր ճյուղերի միջև հարաբերությունների կարգավորիչ, որպես արտադրության ճյուղերի միջև աշխատանքի բաշխման կարգավորիչ:

Դա միանգամայն սխալ է: Արժեքը, ինչպես և արժեքի օրենքը, սլատմական կատեգորիա է՝ կասված ասրանքային արտադրության դոյության հետ: Ասրանքային արտադրության անհետացման հետ մեկտեղ կանհետանան թե արժեքն իր ձևերով և թե՛ արժեքի օրենքը:

Կոմունիստական հասարակարգի երկրորդ փուլում արդյունքների արտադրության վրա ծախսված աշխատանքի քանակը կչափվի ո՛չ թե զարտուղի ճանասլարհով, ո՛չ թե արժեքի և նրա ձևերի միջոցով, ինչպես այդ լինում է

ապրանքային արտադրության ժամանակ, այլ ուղղակի և անմիջական կերպով — ժամանակի քանակով, արդյունքների արտադրության վրա ծախսված ժամերի քանակով: Իսկ ինչ վերաբերում է աշխատանքի բաշխմանը, ապա արտադրության ճյուղերի միջև աշխատանքի բաշխումը կկարգավորվի ո՛չ թե արժեքի օրենքով, որն այդ ժամանակ կորցրած կլինի իր ուժը, այլ արդյունքների նկատմամբ հասարակության պահանջմունքների աճմամբ: Դա կլինի մի հասարակություն, որտեղ արտադրությունը կկարգավորվի հասարակության պահանջմունքներով, իսկ հասարակության պահանջմունքների հաշվառումը առաջնակարգ նշանակություն ձեռք կբերի պլանավորող օրգանների համար:

Բոլորովին ճիշտ չէ նաև այն պնդումը, թե մեր այժմյան տնտեսակարգի սլայմաններում, կոմունիստական հասարակարգի զարգացման առաջին փուլում, արժեքի օրենքն իբր թե կարգավորում է արտադրության տարբեր ճյուղերի միջև աշխատանքի բաշխման «պրոպորցիաները»:

Եթե դա ճիշտ լիներ, ապա անհասկանալի է, թե ինչո՞ւ մեզանում լայնորեն չեն կարգացնում թեթև արդյունաբերությունը, որպես ավելի եկամտաբեր, առավելապես ծանր արդյունաբերության հանդեպ, որը հաճախ նվազ եկամտաբեր է, իսկ երբեմն էլ ամենեին եկամտաբեր չէ:

Եթե դա ճիշտ լիներ, ապա անհասկանալի է, թե ինչո՞ւ մեզանում չեն փակում ծանր արդյունաբերության մի շարք դեռևս ոչ-եկամտաբեր ձեռնարկությունները, որտեղ բանվորների աշխատանքը «հարկ եղած էֆեկտը» չի տալիս, և չեն բացում անպայմանորեն եկամտաբեր թեթև արդյունաբերության նոր ձեռնարկություններ, որտեղ բանվորների աշխատանքը կարող է «ավելի մեծ էֆեկտ» տալ:

Եթե դա ճիշտ լիներ, ապա անհասկանալի է, թե ինչո՞ւ մեզանում սակավ եկամտաբեր, թեև ժողովրդական տնտեսության համար շատ կարևոր ձեռնարկություններից բանվորներին չեն տեղափոխում ավելի էկամտաբեր ձեռնարկությունները՝ համաձայն արժեքի օրենքի, որն իբր թե կարգավորում է արտադրության ճյուղերի միջև աշխատանքի բաշխման «պրոպորցիաները»:

Ակնհայտ է, որ գնալով այդ ընկերների հետքերով, մենք ստիպված կլինենք հրաժարվելու արտադրության միջոցների արտադրության առաջնությունից հօգուտ սպառման միջոցների արտադրության: Իսկ ի՞նչ է նշանակում հրաժարվել արտադրության միջոցների արտադրության առաջնությունից: Դա նշանակում է ոչնչացնել մեր ժողովրդական տնտեսության անընդհատ աճման հնարավորությունը, որովհետև անհնարին է իրականացնել ժողովրդական տնտեսության անընդհատ աճումը, դրա հետ մեկտեղ չիրականացնելով արտադրության միջոցների արտադրության առաջնությունը:

Այդ ընկերները մոռանում են, որ արժեքի օրենքը կարող է արտադրության կարգավորիչ լինել միայն կապիտալիզմի ժամանակ, արտադրության միջոցների մասնավոր սեփականության առկայության պայմաններում, կոնկուրենցիայի, արտադրության անարխիայի, գերարտադրության ճգնաժամերի առկայության պայմաններում: Նրանք մոռանում են, որ արժեքի օրենքի գործողության ոլորտը մեզանում սահմանափակված է արտադրության միջոցների հանրային սեփականության առկայությամբ, ժողովրդական տնտեսության սլանաչափ զարգացման օրենքի գործողությամբ, — հետևապես, սահմանափակված է նաև մեր տարեկան ու հնգամյա սլաններով, որոնք այս օրենքի սահանջների մոտավոր արտացոլումն են:

Որոշ ընկերներ այստեղից այն հետևությունն են անում, թե ժողովրդական տնտեսության պլանաչափ զարգացման օրենքը և ժողովրդական տնտեսության պլանավորումը ոչնչացնում են արտադրության եկամտաբերության սկզբունքը: Դա բոլորովին սխալ է: Իսկ և իսկ հակառակը: Եթե եկամտաբերությունը վերցնենք ո՛չ թե առանձին ձեռնարկությունների կամ արտադրության ճյուղերի տեսակետից և ո՛չ էլ մեկ տարվա առումով, այլ ամբողջ ժողովրդական տնտեսության տեսակետից և, ասենք, 10—15 տարվա առումով, որը միակ ճիշտ մոտեցումը կլինեն հարցին, ապա առանձին ձեռնարկությունների կամ արտադրության ճյուղերի ժամանակավոր ու անկայուն եկամտաբերությունը ոչ մի կերպ չի կարող համեմատվել կայուն ու հաստատուն եկամտաբերության այն բարձրագույն ձևի հետ, որպիսին մեզ տալիս են ժողովրդական տնտեսության պլանաչափ զարգացման օրենքի գործողությունները և ժողովրդական տնտեսության պլանավորումը, ազատ պահելով մեզ պարբերական տնտեսական ճգնաժամերից, որոնք քայքայում են ժողովրդական տնտեսությունը և վիթխարի նյութական վնաս են հասցնում հասարակությանը, և մեզ համար ապահովելով ժողովրդական տնտեսության անընդհատ աճումը իր բարձր տեմպերով:

Կարճ ասած՝ տարակույս չի կարող լինել, որ արտադրության մեր այժմյան սոցիալիստական պայմաններում արժեքի օրենքը չի կարող «պրոպոգիանների կարգավորիչ» լինել արտադրության տարբեր ճյուղերի միջև աշխատանքի բաշխման գործում:

4. ՔԱՂԱՔԻ ԵՎ ԳՅՈՒՂԻ ՄԻՋԵՎ, ՄՏԱՎՈՐ ԵՎ ՖԻԶԻԿԱԿԱՆ ԱՇԽԱՏԱՆՔԻ ՄԻՋԵՎ ԵՎԱԾ ՀԱԿԱԳՐՈՒԹՅԱՆ ՈՉՆՉԱՑՄԱՆ ՀԱՐՑԸ, ԻՆՉՊԵՍ ՆԱԵՎ ՆՐԱՆՑ ՄԻՋԵՎ ԵՎԱԾ ՏԱՐԲԵՐՈՒԹՅՈՒՆՆԵՐԻ ՎԵՐԱՑՄԱՆ ՀԱՐՑԸ

Այս վերնադիրը շոշափում է միմյանցից էապես տարբեր մի շարք պրոբլեմներ, սակայն ես դրանք միավորում եմ մի գլխում ո՛չ թե նրա համար, որ դրանք խառնեմ իրար, այլ բացառապես շարադրման կարճառոտության համար:

Քաղաքի և գյուղի միջև, արդյունաբերության և գյուղատնտեսության միջև եղած հակադրության ոչնչացման պրոբլեմը հայտնի պրոբլեմ է, որ վաղուց արդեն դրել են Մարքսը և Էնգելսը: Այդ հակադրության տնտեսական հիմքը գյուղի շահագործումն է քաղաքի կողմից, գյուղացիության էքսպրուատրիացիան է և գյուղական բնակչության մեծամասնության քայքայումը կապիտալիզմի ժամանակ արդյունաբերության, առևտրի, վարկային սիստեմի զարգացման ամբողջ ընթացքով: Ուստի կապիտալիզմի ժամանակ քաղաքի և գյուղի միջև եղած հակադրությունը պետք է գիտել որպես շահերի հակադրություն: Այդ հոգի վրա է առաջացել գյուղի թշնամական վերաբերմունքը դեպի քաղաքը և ընդհանրապես դեպի «քաղաքի մարդիկ»:

Անտարակույս է, որ կապիտալիզմի և շահագործման սիստեմի ոչնչացումով, մեր երկրում սոցիալիստական հասարակարգի ամրապնդումով պետք է որ անհետանար նաև շահերի հակադրությունը քաղաքի և գյուղի միջև, արդյունաբերության և գյուղատնտեսության միջև: Դա այդպես էլ եղավ: Սոցիալիստական քաղաքի կողմից, մեր բանվոր դասակարգի կողմից մեր գյուղացիությանը ցույց տրված հսկայական օգնությունը կալվածատերերի ու կու-

լակության լիկվիդացման գործում ամրապնդեց հողը բանվոր դասակարգի և գյուղացիության դաշինքի համար, իսկ գյուղացիությանը և նրա կոլտնտեսություններին սիստեմատիկ կերպով առաջնակարգ տրակտորներ և այլ մեքենաներ մատակարարելը բանվոր դասակարգի և գյուղացիության դաշինքը վերածեց բարեկամության նրանց միջև։ Իհարկե, բանվորները և կոլտնտեսային գյուղացիությունը այնուամենայնիվ կազմում են իրենց դրությամբ իրարից տարբերվող երկու դասակարգեր։ Բայց այդ տարբերությունը ամենևին չի թուլացնում նրանց բարեկամությունը։ Ընդհակառակը, նրանց շահերն ունեն մեկ ընդհանուր ուղղություն՝ սոցիալիստական հասարակարգի ամրապնդման և կոմունիզմի հաղթանակի ուղղություն։ Ուստի և դարմանալի չէ, որ քաղաքի նկատմամբ գյուղի ունեցած երբեմնի անվստահության, առավել ևս՝ առե-լության հետքն անգամ չի մնացել։

Այս ամենը նշանակում է, որ մեր այժմյան սոցիալիստական հասարակարգը արդեն վերացրել է քաղաքի և գյուղի, արդյունաբերության և գյուղատնտեսության միջև հակադրության հողը։

Դա, իհարկե, չի նշանակում, թե քաղաքի և գյուղի միջև եղած հակադրության ոչնչացումը պետք է տանի դեպի «մեծ քաղաքների կործանում» (տե՛ս էնգելսի «Անտի-Դյուրինգ»-ը)։ Մեծ քաղաքները ո՛չ միայն չեն կործանվի, այլև գեռ երևան կգան նոր մեծ քաղաքներ, որպես կուլտուրայի առավել աճման կենտրոններ։ Որպես ո՛չ միայն մեծ ինդուստրիայի, այլև գյուղատնտեսական մթերքների վերամշակման և սննդի արդյունաբերության բոլոր ճյուղերի հզոր դարգացման կենտրոններ։ Այդ հանգամանքը կհեշտացնի երկրի կուլտուրական ծաղկումը և կհասցնի կենցաղի պայմանների հավասարմանը քաղաքում և գյուղում։

Համանման դրության մեջ է մեզանում մտավոր և ֆիզիկական աշխատանքի միջև եղած հակադրության ոչնչացման պրոբլեմը։ Այդ պրոբլեմը նույնպես հայտնի պրոբլեմ է, որ վաղուց գրել են Մարքսը և էնգելսը։ Մտավոր և ֆիզիկական աշխատանքի միջև եղած հակադրության տնտեսական հիմքը ֆիզիկական աշխատանք կատարող մարդկանց շահագործումն է մտավոր աշխատանքի ներկայացուցիչների կողմից։ Բոլորին հայտնի է այն ճեղքվածքը, որ կապիտալիզմի ժամանակ գոյություն ունի ձեռնարկությունների ֆիզիկական աշխատանք կատարող մարդկանց և ղեկավարող անձնակազմի միջև։ Հայտնի է, որ այդ ճեղքվածքի բազայի վրա զարգանում էր բանվորների թշնամական վերաբերմունքը դեպի դիրեկտորը, դեպի վարպետը, դեպի ինժեները և տեխնիկական անձնակազմի մյուս ներկայացուցիչները, որպես դեպի իրենց թշնամիները։ Հասկանալի է, որ կապիտալիզմի և շահագործման սիստեմի ոչնչացումից հետո պետք է որ անհետանար նաև ֆիզիկական ու մտավոր աշխատանքի միջև եղած շահերի հակադրությունը։ Եվ այդ հակադրությունը իսկապես անհետացավ մեր ժամանակակից սոցիալիստական հասարակարգի պայմաններում։ Այժմ ֆիզիկական աշխատանք կատարող մարդիկ և ղեկավարող անձնակազմը ո՛չ թե թշնամիներ են, այլ մտերիմ ընկերներ, մի միասնական արտադրական կոլեկտիվի անգամներ, որոնք խորապես շահագրգռված են արտադրության առաջադիմության ու բարելավման գործում։ Նրանց միջև եղած երբեմնի թշնամության հետքն անգամ չի մնացել։

Բոլորովին այլ բնույթ ունի քաղաքի (արդյունաբերության) և գյուղի (գյուղատնտեսության) միջև, ֆիզիկական ու մտավոր աշխատանքի միջև

եղած տարբերությունների անհետացման պրոբլեմը: Այդ պրոբլեմը դրված չի եղել մարքսիզմի կլասիկների կողմից: Դա նոր պրոբլեմ է, որ դրել է մեր սոցիալիստական շինարարության պրակտիկան:

Արդյոք մտացածին չէ՞ այս պրոբլեմը, արդյոք նաև ունի՞ որևէ պրակտիկ կամ թեորիական նշանակություն մեզ համար: Ո՛չ, այս պրոբլեմը չի կարելի մտացածին համարել: Ընդհակառակը, նա մեզ համար վերին աստիճանի յուրջ պրոբլեմ է:

Եթե վերցնենք, օրինակ, գյուղատնտեսության և արդյունաբերության միջև եղած տարբերությունը, ապա դա մեզ մոտ հանգում է ոչ միայն այն բանին, որ գյուղատնտեսության մեջ աշխատանքի պայմանները տարբերվում են արդյունաբերության մեջ եղած աշխատանքի պայմաններից, այլև ամենից առաջ և գլխավորապես այն բանին, որ արդյունաբերության մեջ մենք ունենք արտադրության միջոցների և արտադրության արտադրանքի համաժողովրդական սեփականություն, այնինչ գյուղատնտեսության մեջ ունենք ո՛չ թե համաժողովրդական, այլ խմբային, կոլտնտեսային սեփականություն: Արդեն ասվել է, որ այդ հանգամանքի հետևանքով պահպանվում է ապրանքային շրջանառությունը, որ արդյունաբերության և գյուղատնտեսության միջև եղած այդ տարբերության անհետացումից հետո միայն կարող է անհետանալ ապրանքային արտադրությունը այստեղից բխող բոլոր հետևանքներով: Հետևապես, չի կարելի ժխտել, որ գյուղատնտեսության և արդյունաբերության միջև եղած այդ էական տարբերության անհետացումը պետք է առաջնակարգ նշանակություն ունենա մեզ համար:

Նույնը պետք է ասել մտավոր աշխատանքի և ֆիզիկական աշխատանքի միջև եղած էական տարբերության ոչնչացման պրոբլեմի մասին: Այդ պրոբլեմը նույնպես առաջնակարգ նշանակություն ունի մեզ համար: Մինչև մասսայական սոցմրցման ծավալման սկիզբը մեր արդյունաբերությունը դժվարություններով էր աճում և շատ ընկերներ նույնիսկ զնում էին արդյունաբերության զարգացման տեմպերի դանդաղեցման հարցը: Դա բացատրվում էր գլխավորապես նրանով, որ բանվորների կուլտուր-տեխնիկական մակարդակը խիստ ցածր էր և շատ էր ետ մնում տեխնիկական անձնակազմի մակարդակից: Սակայն, բանն արմատապես փոխվեց այն բանից հետո, երբ սոցմրցումը մասսայական բնույթ ընդունեց մեզ մոտ: Հատկապես դրանից հետո արդյունաբերությունը առաջ ընթացավ արագ տեմպերով: Ինչո՞ւ սոցմրցումը մասսայական բնույթ ընդունեց: Որովհետև բանվորների մեջ դանվեցին ընկերների ամբողջ խմբեր, որոնք ոչ միայն յուրացրին տեխնիկական միջոցներ, այլև ավելի առաջ գնացին, հասան տեխնիկական անձնակազմի մակարդակին. սկսեցին ուղղել տեխնիկներին և ինժեներներին, ջարդել գոյություն ունեցող նորմաները որպես հնացած նորմաներ, մտցնել նոր, ավելի ժամանակակից նորմաներ և այլն: Ի՞նչ կլինեք, եթե ոչ թե բանվորների առանձին խմբեր, այլ բանվորների մեծամասնությունը իր կուլտուր-տեխնիկական մակարդակը բարձրացնեք մինչև ինժեներա-տեխնիկական անձնակազմի մակարդակը: Մեր արդյունաբերությունը կհասցվեր մյուս երկրների արդյունաբերության համար անհասանելի մի բարձրության: Հետևապես, չի կարելի ժրխտել, որ մտավոր և ֆիզիկական աշխատանքի միջև եղած էական տարբերության ոչնչացումը՝ բանվորների կուլտուր-տեխնիկական մակարդակը մինչև

տեխնիկական անձնակազմի մակարդակը բարձրացնելու միջոցով, չի կարող առաջնակարգ նշանակություն շունենալ մեզ համար:

Որոշ ընկերներ պնդում են, թե ժամանակի ընթացքում կանհետանա ո՛չ միայն արդյունաբերության և գյուղատնտեսության միջև, ֆիզիկական և մտավոր աշխատանքի միջև եղած էական տարբերությունը, այլև կանհետանան նրանց միջև ամեն տեսակ տարբերությունը: Դա ճիշտ չէ: Արդյունաբերության և գյուղատնտեսության միջև եղած էական տարբերության ոչնչացումը չի կարող հասցնել նրանց միջև եղած ամեն մի տարբերության ոչնչացմանը: Մի ինչ-որ տարբերություն, թեպետև ոչ-էական, անպայմանորեն կմնա արդյունաբերության և գյուղատնտեսության աշխատանքի պայմաններում եղած տարբերությունների պատճառով: Նույնիսկ արդյունաբերության մեջ, եթե նկատի ունենանք նրա տարբեր ճյուղերը, աշխատանքի պայմանները միատեսակ չեն ամենուրեք. օրինակ՝ հանքագործների աշխատանքի պայմանները տարբերվում են կոշիկի մեքենայացված գործարանի բանվորների աշխատանքի պայմաններից, հանքափոր բանվորների աշխատանքի պայմանները տարբերվում են մեքենաշինարար բանվորների աշխատանքի պայմաններից: Եթե դա ճիշտ է, ապա առավել ևս պետք է որոշ տարբերություն պահպանվի արդյունաբերության և գյուղատնտեսության միջև:

Նույնը պետք է ասել մտավոր աշխատանքի և ֆիզիկական աշխատանքի միջև եղած տարբերության մասին: Նրանց միջև կուլտուր-տեխնիկական մակարդակում ճեղքվածքի իմաստով եղած էական տարբերությունը անպայման կանհետանա: Բայց մի ինչ-որ տարբերություն, թեպետև ոչ-էական, այնուամենայնիվ կպահպանվի թեկուզ հենց այն պատճառով, որ ձեռնարկությունների ղեկավար կազմի աշխատանքի պայմանները և բանվորների աշխատանքի պայմանները միատեսակ չեն:

Հակառակը պնդող ընկերները, երևի, հենվում են իմ մի քանի ելույթներում եղած այն հայտնի ձևակերպման վրա, որտեղ խոսվում է տրդյունաբերության և գյուղատնտեսության միջև, մտավոր և ֆիզիկական աշխատանքի միջև եղած տարբերության ոչնչացման մասին, առանց վերապահելու այն, որ խոսքը վերաբերում է էական և ոչ թե ամեն տեսակ տարբերության ոչնչացմանը: Ընկերները հենց այդպես էլ հասկացել են իմ ձևակերպումը, ենթադրելով, թե դա նշանակում է ամեն տեսակ տարբերության ոչնչացում: Բայց դա նշանակում է, որ ձևակերպումը ճշգրիտ չի եղել, անբավարար է եղել: Հարկավոր է դին նետել այն և փոխարինել ուրիշ ձևակերպումով, որը խոսի արդյունաբերության և գյուղատնտեսության միջև, մտավոր և ֆիզիկական աշխատանքի միջև եղած էական տարբերությունների ոչնչացման և ոչ-էական տարբերությունների պահպանման մասին:

5. ՄԻԱՍՆԱԿԱՆ ՀԱՄԱՇԽԱՐՀԱՅԻՆ ՇՈՒԿԱՅԻ ՏՐՈՇՄԱՆ ԵՎ ՀԱՄԱՇ- ԽԱՐՀԱՅԻՆ ԿԱՊԻՏԱԼԻՍՏԱԿԱՆ ՍԻՍՏԵՄԻ ԴՊՆԱԺԱՄԻ ԽՈՐԱՑՄԱՆ ՀԱՐՑԸ

Երկրորդ համաշխարհային պատերազմի և նրա տնտեսական հետևանքների ամենից ավելի կարևոր տնտեսական արդյունքը պետք է համարել միասնական համապարփակ համաշխարհային շուկայի տրոհումը: Այդ հանգամանոր որոշեց համաշխարհային կապիտալիստական սիստեմի ընդհանուր ճգնաժամի հետադա խորացումը:

Երկրորդ համաշխարհային պատերազմը հենց այդ ճգնաժամի ծնունդն էր: Պատերազմի ժամանակ իրար օձիքից բռնած կապիտալիստական երկու կողմիցիաներից ամեն մեկը հույս ուներ ջախջախելու հակառակորդին և հասնելու համաշխարհային տիրապետության: Նրանք դրա մեջ էին ելք փնտրում ճգնաժամից: Ամերիկայի Միացյալ Նահանգները հույս ունեին շարքից հանելու իրենց առավել վտանգավոր մրցակիցներին՝ Գերմանիային և Յապոնիային, զավթելու արտասահմանյան շուկաները, հումքի համաշխարհային ուսուրանները և հասնելու համաշխարհային տիրապետության:

Սակայն պատերազմը շարդարացրեց այդ հույսերը: Ընդունալով, Գերմանիան և Յապոնիան, որպես կապիտալիստական երեք գլխավոր երկրների՝ ԱՄՆ-ի, Անգլիայի, Ֆրանսիայի մրցակիցներ, շարքից հանվեցին: Բայց դրա հետ մեկտեղ կապիտալիստական սիստեմից անջատվեցին Չինաստանը և մյուս ժողովրդա-դեմոկրատական երկրները Եվրոպայում, Սովետական Միության հետ միասին կազմելով մի միասնական և հզոր սոցիալիստական լուրջեր, որը հակադիր է կապիտալիզմի լազերին: Երկու հակադիր լազերների դուլովյան տնտեսական հետևանքն այն եղավ, որ միասնական համապարփակ համաշխարհային շուկան տրոհվեց, որի հետևանքով ներկայումս ունենք երկու զուգահեռ, նույնպես միմյանց հակադիր համաշխարհային շուկաներ:

Պետք է նշել, որ ԱՄՆ-ը և Անգլիան Ֆրանսիայի հետ միասին հենց իրենք, իհարկե, իրենց կամքից անկախ նպաստեցին համաշխարհային նոր լուրջահեռ շուկայի գոյացմանը և ամրապնդմանը: Նրանք տնտեսական բլոկադայի ենթարկեցին ՍՍՌՄ-ն, Չինաստանը և եվրոպական ժողովրդա-դեմոկրատական երկրները, որոնք չեն մտել «Մարշալի պլան»-ի սիստեմի մեջ, մտաձելով դրանով խեղդամահ անել նրանց: Իրականում ստացվեց ոչ թե խեղդամահություն, այլ նոր համաշխարհային շուկայի ամրապնդում:

Այնուամենայնիվ, այս գործում հիմնականը, իհարկե, տնտեսական բլոկադան չէ, այլ այն, որ պատերազմին հաջորդող ժամանակաշրջանում այս երկրները տնտեսապես շաղկապվեցին և կազմակերպեցին տնտեսական համագործակցություն ու փոխադարձ օգնություն: Այդ համագործակցության փորձը ցույց է տալիս, որ ոչ մի կապիտալիստական երկիր չէր կարող այնպիսի իրական և տեխնիկապես որակյալ օգնություն ցույց տալ ժողովրդա-դեմոկրատական երկրներին, որպիսին նրանց ցույց է տալիս Սովետական Միությունը: Բանը ոչ միայն այն է, որ այդ օգնությունը առավել էժան և տեխնիկապես առաջնակարգ օգնություն է: Բանն ամենից առաջ այն է, որ այդ համագործակցության հիմքում դրված է մեկը մյուսին օգնելու և ընդհանուր տնտեսական վերելք ձեռք բերելու անկեղծ ցանկությունը: Դրա հետևանքով արդյունաբերությունն այժմ բարձր տեմպերով է զարգանում այդ երկրներում: Կարելի է վստահ կերպով ասել, որ արդյունաբերության զարգացման այդպիսի տեմպերի առկայությամբ բանը շուտով այնտեղ կհասնի, որ այդ երկրները ոչ միայն կարիք չեն զգա ապրանքների ներմուծման կապիտալիստական երկրներից, այլև իրենք անհրաժեշտություն կզգան արտահանելու իրենց արտադրության ավելցուկ ապրանքները:

Բայց դրանից հետևում է, որ համաշխարհային ռեսուրսների նկատմամբ կապիտալիստական գլխավոր երկրների (ԱՄՆ, Անգլիա, Ֆրանսիա) ուժերի դործադրման ոլորտը ոչ թե ընդլայնվելու է, այլ կրճատվելու է, որ վաճառահանման համաշխարհային շուկայի պայմանները փառանալու են այդ երկրներ:

րի համար, իսկ ձեռնարկությունների թերբեռնվածությունը այդ երկրներում ավելանալու է: Իսկապես ասած, հենց դրանով է արտահայտվում համաշխարհային շուկայի տրոհման առնչությամբ համաշխարհային կապիտալիստական սիստեմի ընդհանուր ճգնաժամի խորացումը:

Այդ բանը զգում են իրենք՝ կապիտալիստները, որովհետև դժվար է չզգալ այնպիսի շուկաների կորուստը, ինչպես ՍՍՌՄ-ն, Չինաստանը: Նրանք աշխատում են այդ դժվարությունները հաղթահարել «Մարշալի պլան»-ով, կորեայում մղվող պատերազմով, սպառազինման մրցավազքով, արդյունարկության ռազմականացումով: Բայց դա շատ է նման այն բանին, որ խեղդվողները ձեռքը ծղոտին են դրում:

Այդ դրության կապակցությամբ տնտեսագետների առաջ ծառացան երկու հարց՝

ա) Արդյոք կարելի է պնդել, թե կապիտալիզմի ընդհանուր ճգնաժամի ժամանակաշրջանում շուկաների հարաբերական կայունության վերաբերյալ Ստալինի հայտնի թեզիսը, որը նա երկրորդ համաշխարհային պատերազմից առաջ էր արտահայտել, դեռևս մնում է ուժի մեջ:

բ) Արդյոք կարելի է պնդել, որ Հենրի 1916 թվականի գաղափարն արտահայտած այն հայտնի թեզիսը, թե, չնայած կապիտալիզմի նեխմանը, «կապիտալիզմն ամբողջությամբ վերցրած աճում է անչափ ավելի արագ կերպով, քան առաջ», դեռևս մնում է ուժի մեջ:

Ես կարծում եմ, որ այդ չի կարելի պնդել: Երկրորդ համաշխարհային պատերազմի կապակցությամբ առաջացած նոր պայմանների պատճառով այդ երկու թեզիսն էլ պետք է ուժը կորցրած համարել:

6. ԿԱՊԻՏԱԼԻՍՏԱԿԱՆ ԵՐԿՐՆԵՐԻ ՄԻՋԵՎ ՊԱՏԵՐԱԶՄՆԵՐԻ ԱՆԽՈՒՍԱՓԵԼԻՈՒԹՅԱՆ ՀԱՐՑԸ

Որոշ ընկերներ պնդում են, թե երկրորդ համաշխարհային պատերազմից հետո միջազգային նոր պայմանների զարգացման պատճառով պատերազմները կապիտալիստական երկրների միջև դադարել են անխուսափելի լինելուց: Նրանք գտնում են, թե հակասությունները սոցիալիզմի լազերի և կապիտալիզմի լազերի միջև ավելի ուժեղ են, քան հակասությունները կապիտալիստական երկրների միջև, թե Ամերիկայի Միացյալ Նահանգները բավականաչափ իրենց են ենթարկել մյուս կապիտալիստական երկրներին, որ նրանց թույլ չտան պատերազմելու իրար դեմ և թուլացնելու միմյանց, թե կապիտալիզմի առաջավոր մարդիկ բավականաչափ խրատված են ամբողջ կապիտալիստական աշխարհին լուրջ վնաս հասցրած երկու համաշխարհային պատերազմների փորձից, որ թույլ չտան նորից կապիտալիստական երկրները պատերազմի մեջ ներքաշելու միմյանց դեմ, — թե այդ ամենի պատճառով պատերազմները կապիտալիստական երկրների միջև դադարել են անխուսափելի լինելուց:

Այդ ընկերները սխալվում են: Նրանք տեսնում են արտաքին, մակերեսի վրա մեկ-մեկ երևացող երևույթները, բայց նրանք չեն տեսնում այն խոր ուժերը, որոնք թեպետև առայժմ աննկատելի են գործում, բայց այնուամենայնիվ կորոշեն իրադարձությունների ընթացքը:

Արտաքուստ ամեն ինչ կարծես «բարեհաջող» է. Ամերիկայի Միացյալ Նահանգները պայուկի են կապել Արևմտյան Եվրոպային, Յապոնիային և

մյուս կապիտալիստական երկրներին. Գերմանիան (Արևմտյան), Անգլիան, Ֆրանսիան, Իտալիան, Յապոնիան, որ ընկել են ԱՄՆ-ի ճանկը, Նիդեռլանդ կատարում են ԱՄՆ-ի հրամանները: Բայց ճիշտ չէր լինի կարծել, թե այդ «բարեհաջողությունը» կարող է պահպանվել «հավիտյանս հավիտենից», թե այդ երկրները անվերջ կհանդուրժեն Ամերիկայի Միացյալ Նահանգների տիրապետությունն ու ճնշումը, թե նրանք չեն փորձի ազատվելու ամերիկյան ստրկությունից և ոտք դնելու ինքնուրույն զարգացման ուղին:

Վերցնենք ամենից առաջ Անգլիան և Ֆրանսիան: Անկասկած է, որ այդ երկրները իմպերիալիստական երկրներ են: Անկասկած է, որ էժան հումքը և վաճառահանման ապահովված շուկաները առաջնակարգ նշանակություն ունեն նրանց համար: Կարելի է կարծել, թե նրանք անվերջ կհանդուրժեն այժմյան դրությունը, երբ ամերիկացիները, «Մարշալի պլանի» գծով տրվող «օգնության» աղմուկի տակ հիմնավորվում են Անգլիայի և Ֆրանսիայի էկոնոմիկայի մեջ, աշխատելով այն դարձնել Ամերիկայի Միացյալ Նահանգների էկոնոմիկայի կցորդ, երբ ամերիկյան կապիտալը զավթում է հումքը և վաճառահանման շուկաները անգլո-ֆրանսիական դադույթներում և դրանով իսկ կատաստրոֆ են պատրաստում անգլո-ֆրանսիական կապիտալիստների բարձր շահույթների համար: Արդյո՞ք ավելի ճիշտ չի լինի ասել, որ կապիտալիստական Անգլիան, նրա հետևից էլ կապիտալիստական Ֆրանսիան վերջիվերջո՝ հարկադրված կլինեն ազատվել ԱՄՆ-ի գրկից և կոնֆլիկտի մեջ մտնել նրանց դեմ՝ իրենց համար ինքնուրույն դրություն և, իհարկե, բարձր շահույթներ ապահովելու համար:

Անցնենք գլխավոր պարտված երկրներին՝ Գերմանիային (Արևմտյան), Յապոնիային: Այդ երկրները այժմ ողորմելի դոյություն են քարշ տալիս ամերիկյան իմպերիալիզմի կրնկի տակ: Նրանց արդյունաբերությունը և գյուղատնտեսությունը, նրանց առևտուրը, նրանց արտաքին և ներքին քաղաքականությունը, նրանց ամբողջ կենցաղը կաշկանդված են օկուպացիայի ամերիկյան «ռեժիմով»: Բայց չէ՞ որ դեռ երեկ այդ երկրները իմպերիալիստական մեծ տերություններ էին, որոնք սասանում էին Անգլիայի, ԱՄՆ-ի, Ֆրանսիայի տիրապետության հիմքերը Եվրոպայում, Ասիայում: Կարծել, թե այդ երկրները փորձ չեն անի նորից ոտքի ելնելու, փշրելու ԱՄՆ-ի «ռեժիմը» և դուրս պրծնելու դեպի ինքնուրույն զարգացման ուղին — նշանակում է հավատալ հրաշքների:

Ասում են, թե հակասությունները կապիտալիզմի և սոցիալիզմի միջև ավելի ուժեղ են, քան հակասությունները կապիտալիստական երկրների միջև: Բեռլինացի, դա, իհարկե, ճիշտ է: Դա ճիշտ է ո՛չ միայն այժմ՝ ներկա ժամանակներում, — դա ճիշտ էր նաև երկրորդ համաշխարհային պատերազմից առաջ: Եվ այդ բանը ավելի կամ պակաս շափով հասկանում էին կապիտալիստական երկրների ղեկավարները: Այնուամենայնիվ, երկրորդ համաշխարհային պատերազմը սկսվեց ո՛չ թե ՍՍՌՄ-ի դեմ պատերազմով, այլ կապիտալիստական երկրների միջև մղվող պատերազմով: Ինչու՞ ու Որովհետև, նախ, պատերազմը ՍՍՌՄ-ի, որպես սոցիալիզմի երկրի դեմ՝ ավելի վտանգավոր է կապիտալիզմի համար, քան պատերազմը կապիտալիստական երկրների միջև, որովհետև, եթե պատերազմը կապիտալիստական երկրների միջև դնում է միայն այսինչ կապիտալիստական երկրների դերակշռության հարցը՝ մյուս կապիտալիստական երկրների նկատմամբ, ապա պատերազմը ՍՍՌՄ-ի դեմ

անպայմանորեն պետք է դնի իր իսկ կապիտալիզմի գոյության հարցը: Որովհետև, երկրորդ, կապիտալիստները, թեև «պրոպագանդայի» նպատակներով աղմկում են Սովետական Միության ագրեսիվության մասին, իրենք չեն հավատում նրա ագրեսիվությանը, քանի որ նրանք հաշվի են առնում Սովետական Միության խաղաղասիրական քաղաքականությունը և դիտեն, որ Սովետական Միությունն ինքը չի հարձակվի կապիտալիստական երկրների վրա:

Առաջին համաշխարհային պատերազմից հետո էլ գտնում էին, թե Գերմանիան վերջնականապես հանված է շարքից, այնպես, ինչպես որոշ ընկերներ այժմ կարծում են, թե Յապոնիան և Գերմանիան վերջնականապես հանված են շարքից: Այն ժամանակ էլ խոսում և մամուլում աղմկում էին այն մասին, թե Ամերիկայի Միացյալ Նահանգները պայուկի են կապել Եվրոպային, թե Գերմանիան այլևս չի կարող ոտքի կանգնել, թե այսուհետև չպետք է լինեն պատերազմներ կապիտալիստական երկրների միջև: Սակայն, շնայած դրան, Գերմանիան բարձրացավ և իր պարտությունից ընդամենը 15—20 տարի հետո ոտքի կանգնեց որպես մեծ տերություն, ազատվելով ստրկությունից և ոտք դնելով ինքնուրույն զարգացման ուղին: Ընդ որում բնորոշ է, որ ոչ այլ ոք, եթե ոչ Անգլիան և Ամերիկայի Միացյալ Նահանգները յգնեցին Գերմանիային բարձրանալու տնտեսապես և բարձրացնելու իր ռազմատնտեսական պոտենցիալը: Օգնելով Գերմանիային բարձրանալու տնտեսապես, ԱՄՆ-ը և Անգլիան, իհարկե, այդ դեպքում նկատի ունեին ոտքի ելած Գերմանիային ուղղել Սովետական Միության դեմ, օգտագործել նրան ընդդեմ սոցիալիզմի երկրի: Սակայն Գերմանիան իր ուժերը առաջին հերթին ուղղեց անգլո-ֆրանս-ամերիկյան բլոկի դեմ: Եվ երբ հիտլերյան Գերմանիան պատերազմ հայտարարեց Սովետական Միությանը, անգլո-ֆրանս-ամերիկյան բլոկը ո՛չ միայն չմիացավ հիտլերյան Գերմանիային, այլ, ընդհակառակը, հարկադրված եղավ կոալիցիայի մեջ մտնել ՍՍՌՄ-ի հետ ընդդեմ հիտլերյան Գերմանիայի:

Հետևապես, կապիտալիստական երկրների պայքարը շուկաների համար և իրենց մրցակիցներին խեղդելու ցանկությունը գործնականապես ավելի ուժեղ դուրս եկան, քան հակասությունները կապիտալիզմի լագերի և սոցիալիզմի լագերի միջև:

Հարց է ծագում՝ ի՞նչ երաշխիք կա, որ Գերմանիան և Յապոնիան նորից ոտքի չեն կանգնի, որ նրանք չեն փորձի ազատվելու ամերիկյան ստրկությունից և ապրելու իրենց ինքնուրույն կյանքով: Ես կարծում եմ, որ այդպիսի երաշխիքներ չկան:

Բայց դրանից հետևում է, որ կապիտալիստական երկրների միջև պատերազմների անխուսափելիությունը ուժի մեջ է մտնում:

Ասում են, թե Լենինի այն թեզիսը, որ իմպերիալիզմը անխուսափելիորեն ծնում է պատերազմներ, պետք է համարել հնացած, քանի որ ներկայումս աճել են հզոր ժողովրդական ուժեր, որոնք հանդես են գալիս ի պաշտպանություն խաղաղության, ընդդեմ նոր համաշխարհային պատերազմի: Դա ճիշտ չէ:

Խաղաղության ժամանակակից շարժումը նպատակ ունի ժողովրդական մասսաներին պայքարի հանել խաղաղությունը պահպանելու համար, նոր համաշխարհային պատերազմը կանխելու համար: Հետևապես, այդ շարժումը կապիտալիզմը տապալելու և սոցիալիզմ հաստատելու նպատակներ չի հե-

տապնդում,— նա սահմանափակվում է խաղաղության պահպանման համար մղվող պայքարի դեմոկրատական նպատակներով: Այդ տեսակետից խաղաղության պահպանման ժամանակակից շարժումը տարբերվում է առաջին համաշխարհային պատերազմի ժամանակաշրջանում իմպերիալիստական պատերազմը քաղաքացիական պատերազմի վերածելու համար ծավալված շարժումից, որովհետև այս վերջին շարժումը ավելի հեռու էր գնում և հետապնդում էր սոցիալիստական նպատակներ:

Հնարավոր է, որ, հանգամանքների որոշ բերումով, խաղաղության համար մղվող պայքարը տեղ-տեղ ծավալվի ու վերածվի սոցիալիզմի համար մղվող պայքարի, բայց դա արդեն կլինի ո՛չ թե ժամանակակից շարժումը խաղաղության համար, այլ շարժում՝ կապիտալիզմի տապալման համար:

Ամենից հավանականն այն է, որ խաղաղության ժամանակակից շարժումը, որպես խաղաղության պահպանման շարժում, հաջողության դեպքում կհասցնի տվյալ պատերազմի կանխմանը, նրա ժամանակավոր հետաձգմանը, տվյալ խաղաղության ժամանակավոր պահպանմանը, ռազմատենչ կառավարության հրաժարականին և նրա փոխարինմանը մի ուրիշ կառավարության մեջ, որը պատրաստ կլինի ժամանակավորապես պահպանելու խաղաղությունը: Դա, իհարկե, լավ է: Նույնիսկ շատ լավ է: Բայց դա այնուամենայնիվ բավական չէ կապիտալիստական երկրների միջև պատերազմների անխուսափելիությունն ընդհանրապես ոչնչացնելու համար: Բավական չէ, որովհետև խաղաղության պաշտպանության շարժման այդ բոլոր հաջողություններին առընթեր իմպերիալիզմը այնուամենայնիվ պահպանվում է, ուժի մեջ է մնում,— հետևաբար ուժի մեջ է մնում նաև պատերազմների անխուսափելիությունը:

Պատերազմների անխուսափելիությունը վերացնելու համար հարկավոր է ոչնչացնել իմպերիալիզմը:

7. ԺԱՄԱՆԱԿԱԿԻՑ ԿԱՊԻՏԱԼԻԶՄԻ ԵՎ ՍՈՑԻԱԼԻԶՄԻ ՀԻՄՆԱԿԱՆ ՏՆՏԵՍԱԿԱՆ ՕՐԵՆՔՆԵՐԻ ՀԱՐՑԸ

Ինչպես հայտնի է, կապիտալիզմի և սոցիալիզմի հիմնական տնտեսական օրենքների հարցը մի քանի անգամ առաջ քաշվեց դիսկուսիայում: Այդ հարցի շուրջը հայտնվեցին տարբեր, ընդհուպ մինչև ամենաֆանտաստիկ կարծիքներ: Ճիշտ է, դիսկուսիայի մասնակիցների մեծամասնությունը թույլ էր արձագանքում դրան, և ոչ մի որոշում չնշվեց այդ մասին: Սակայն, դիսկուսիայի մասնակիցներից ոչ մեկն էլ չէր ժխտում այդպիսի օրենքների գոյությունը:

Գոյություն ունի արդյոք կապիտալիզմի հիմնական տնտեսական օրենք: Այո, գոյություն ունի: Այդ ի՞նչ օրենք է, որո՞նք են նրա քնորոշ գծերը: Կապիտալիզմի հիմնական տնտեսական օրենքը — դա այնպիսի օրենք է, որը որոշում է կապիտալիստական արտադրության զարգացման ո՛չ թե որևէ մի առանձին կողմը կամ որևէ առանձին պրոցեսը, այլ այդ զարգացման բոլոր գլխավոր կողմերը և բոլոր գլխավոր պրոցեսները, — հետևապես, որոշում է կապիտալիստական արտադրության էությունը, նրա բուն էությունը:

Արդյոք արժեքի օրենքը կապիտալիզմի հիմնական տնտեսական օրենքը չէ՞: Ո՛չ: Արժեքի օրենքը ամենից առաջ ապրանքային արտադրության օրենք

է: Նա դոյություն է ունեցել կապիտալիզմից առաջ և շարունակում է դոյություն ունենալ, ինչպես և ապրանքային արտադրությունը, կապիտալիզմի տապալումից հետո, օրինակ, մեր երկրում, ճիշտ է՝ գործողության սահմանափակ ոլորտով: Արժեքի օրենքը, որը գործողության լայն ոլորտ ունի կապիտալիզմի պայմաններում, իհարկե, մեծ դեր է խաղում կապիտալիստական արտադրության զարգացման գործում, բայց նա ո՛չ միայն չի որոշում կապիտալիստական արտադրության էությունը և կապիտալիստական շահույթի հիմքերը, այլև նույնիսկ չի դնում այդպիսի պրոբլեմներ: Ուստի նա չի կարող ժամանակակից կապիտալիզմի հիմնական տնտեսական օրենքը լինել:

Այդ նույն նկատառումներով չի կարող կապիտալիզմի հիմնական տնտեսական օրենք լինել կոնկուրենցիայի և արտադրության անարխիայի օրենքը, կամ տարբեր երկրներում կապիտալիզմի անհամաչափ զարգացման օրենքը:

Ասում են, թե շահույթի միջին նորմայի օրենքը ժամանակակից կապիտալիզմի հիմնական տնտեսական օրենքն է: Դա ճիշտ չէ: Ժամանակակից կապիտալիզմը, մոնոպոլիստական կապիտալիզմը չի կարող բավարարվել միջին շահույթով, որն առանց այն էլ իջնելու տենդենց ունի կապիտալի օրգանական կազմի բարձրանալու պատճառով: Ժամանակակից մոնոպոլիստական կապիտալիզմը պահանջում է ո՛չ թե միջին շահույթ, այլ առավելագույն շահույթ, որն անհրաժեշտ է քիչ թե շատ կանոնավոր կերպով ընդլայնված՝ վերարտադրություն իրականացնելու համար:

Կապիտալիզմի հիմնական տնտեսական օրենքի հասկացությունը ամենից ավելի մոտենում է հավելյալ արժեքի օրենքը, կապիտալիստական շահույթի ծնման և աճման օրենքը: Այդ օրենքը իսկապես կանխորոշում է կապիտալիստական արտադրության հիմնական գծերը: Բայց հավելյալ արժեքի օրենքը չափազանց ընդհանուր օրենք է, որը չի շոշափում շահույթի բարձր նորմայի պրոբլեմները, որպիսի նորմայի ապահովումը մոնոպոլիստական կապիտալիզմի զարգացման պայմանն է: Այդ բացը լրացնելու համար հարկավոր է կոնկրետացնել հավելյալ արժեքի օրենքը և այն զարգացնել՝ մոնոպոլիստական կապիտալիզմի պայմաններին համեմատ, ըստ որում հաշվի առնելով, որ մոնոպոլիստական կապիտալիզմը պահանջում է ո՛չ թե ամեն տեսակի շահույթ, այլ հատկապես առավելագույն շահույթ: Հենց այդ էլ կլինի ժամանակակից կապիտալիզմի հիմնական տնտեսական օրենքը:

Ժամանակակից կապիտալիզմի հիմնական տնտեսական օրենքի գլխավոր գծերն ու պահանջները կարելի է ձևակերպել մոտավորապես այսպես. կապիտալիստական առավելագույն շահույթի ապահովում՝ ավելի երկրի բնակչության մեծամասնության շահադործման, քայքայման ու ողբատացման միջոցով, ուրիշ երկրների, հատկապես հետամնաց երկրների ժողովուրդների ստրկացման ու սխտեմատիկ կողոպտման միջոցով, վերջապես, պատերազմների և ժողովրդական տնտեսության ռազմականացման միջոցով, որոնք օդտագործվում են ամենաբարձր շահույթներ ապահովելու համար:

Ասում են, թե միջին շահույթն այնուամենայնիվ կարելի է միանգամայն բավական համարել կապիտալիստական զարգացման համար ժամանակակից պայմաններում: Դա ճիշտ չէ: Միջին շահույթը եկամտաբերության այն ստորին սահմանն է, որից ցածր անհնարին է դառնում կապիտալիստական արտադրությունը: Բայց ծիծաղելի կլինեն կարծել, թե ժամանակակից մոնոպոլիստական կապիտալիզմի պարադոքսները, զավթելով գաղութները, ստրկաց-

ներով ժողովուրդներին և հրահրելով պատերազմներ, աշխատում են սոսկ մի-
 փն շահույթ ապահովել իրենց համար: Ո՛չ, ոչ միջին շահույթը և ոչ էլ գեր-
 շահույթը, որը, որպես կանոն, ներկայացնում է ընդամենը միջին շահույթի
 միայն մի որոշ գերազանցում, այլ հատկապես առավելագույն շահույթն է
 հանդիսանում մոնոպոլիստական կապիտալիզմի շարժիչը: Հենց առավելա-
 գույն շահույթներ ստանալու անհրաժեշտությունն է մոնոպոլիստական կա-
 փտալիզմին մղում այնպիսի ռիսկոտ քայլերի, ինչպես գաղութների և մյուս
 հետամնաց երկրների ստրկացումը և սիստեմատիկ կողոպտումը, մի շարք
 անկախ երկրների վերածումը կախյալ երկրների, նոր պատերազմների կազ-
 մակերպումը, որոնք ժամանակակից կապիտալիզմի պարագլուխների համար
 լավագույն «բիզնես» են հանդիսանում առավելագույն շահույթներ կուրգելու
 համար, վերջապես, համաշխարհային տնտեսական գերիշխանություն նվա-
 շելու փորձերը:

Կապիտալիզմի հիմնական տնտեսական օրենքի նշանակությունն ի միջի
 այլոց այն է, որ նա, որոշելով բոլոր կարևորագույն երևույթները արտադրու-
 թյան կապիտալիստական եղանակի զարգացման բնագավառում, նրա վե-
 րելքները և ճգնաժամերը, նրա հաղթանակները և պարտությունները, նրա
 արժանիքները և թերությունները,— նրա հակասական զարգացման ամբողջ
 պրոցեսը,— հնարավորություն է տալիս հասկանալու և բացատրելու դրանք:

Ահա բազմաթիվ «ապշեցուցիչ» օրինակներից մեկը:

Բոլորին հայտնի են կապիտալիզմի պատմության և պրակտիկայի այն
 փաստերը, որոնք ցույց են տալիս տեխնիկայի բուռն զարգացումը կապիտա-
 լիզմի ժամանակ, երբ կապիտալիստները հանդես են գալիս որպես առաջա-
 փոր տեխնիկայի դրոշակակիրներ, որպես ռևոլուցիոներ արտադրության
 տեխնիկայի զարգացման բնագավառում: Բայց հայտնի են նաև այլ կարգի
 փաստեր, որոնք ցույց են տալիս տեխնիկայի զարգացման դադարեցումը կա-
 պիտալիզմի ժամանակ, երբ կապիտալիստները նոր տեխնիկայի զարգացման
 բնագավառում հանդես են գալիս որպես ռեակցիոներներ և հաճախ անցնում են
 ձեռքի աշխատանքին:

Ինչո՞վ բացատրել այդ աղաղակող հակասությունը: Այդ կարելի է բա-
 ցատրել միայն ժամանակակից կապիտալիզմի հիմնական տնտեսական օրեն-
 քով, այսինքն՝ առավելագույն շահույթներ ստանալու անհրաժեշտությամբ:
 Կապիտալիզմը կողմնակից է նոր տեխնիկային, երբ սա ամենարարժր շա-
 հույթներ է խոստանում նրան: Կապիտալիզմը դեմ է նոր տեխնիկային և
 կողմնակից է ձեռքի աշխատանքի անցնելուն, երբ նոր տեխնիկան այլևս ամե-
 նաբարձր շահույթներ չի խոստանում:

Այս է ժամանակակից կապիտալիզմի հիմնական տնտեսական օրենքի
 պատկերը:

Դոյություն ունի՝ արդյոք սոցիալիզմի հիմնական տնտեսական օրենք:
 Այո՞, դոյություն ունի: Որո՞նք են այդ օրենքի էական գծերն ու պահանջները:
 Սոցիալիզմի հիմնական տնտեսական օրենքի էական գծերն ու պահանջները
 կարելի էր ձևակերպել մոտավորապես այսպես. ամբողջ հասարակության
 նյութական և կուլտուրական հարաճուն պահանջմունքների առավելագույն
 բավարարման ապահովում՝ բարձրագույն տեխնիկայի բազայի վրա սոցիա-
 լիստական արտադրության անընդհատ աճման ու կատարելագործման մի-
 ջոցով:

Հետևապես՝ առավելագույն շահույթներ ապահովելու փոխարեն՝ հասարակության նյութական և կուլտուրական պահանջմունքների առավելագույն բավարարման ապահովում, արտադրությունն ընդհատումներով — վերելքից ճգնաժամ և ճգնաժամից վերելք — զարգացնելու փոխարեն՝ արտադրության անընդհատ աճում, տեխնիկայի զարգացման մեջ բնական ընդհատումների փոխարեն, սրոնք ուղեկցվում են հասարակության արտադրողական բաժնի բայրայությունով, արտադրության անընդհատ կատարելագործում՝ բարձրագույն տեխնիկայի բազայի վրա:

Ասում են, թե սոցիալիզմի հիմնական տնտեսական սրոնքը ժողովրդական տնտեսության սլանաչափ, պրոպորցիոնալ զարգացման օրենքն է: Դա ճիշտ չէ: Ժողովրդական տնտեսության պլանաչափ զարգացումը, ուրեմն և ժողովրդական տնտեսության պլանավորումը, որն այդ օրենքի ավելի կամ պակաս ճիշտ արտացոլումն է, ինքնին ոչինչ չեն կարող տալ, եթե հայտնի չէ, թե հանուն ի՞նչ խնդրի է կատարվում ժողովրդական տնտեսության պլանային զարգացումը, կամ եթե խնդիրը պարզ չէ: Ժողովրդական տնտեսության պլանաչափ զարգացման օրենքը կարող է հարկ եղած էֆեկտը տալ միայն այն դեպքում, երբ կա խնդիր, հանուն որի իրականացման կատարվում է ժողովրդական տնտեսության պլանային զարգացումը: Ժողովրդական տնտեսության պլանաչափ զարգացման օրենքն ինքը չի կարող տալ այդ խնդիրը: Այն առավել ևս չի կարող տալ ժողովրդական տնտեսության պլանավորումը: Այդ խնդիրը կա սոցիալիզմի հիմնական տնտեսական օրենքում վերը շարադրված նրա պահանջների ձևով: Ուստի ժողովրդական տնտեսության սլանաչափ զարգացման օրենքի գործողությունները լիակատար ասպարեզ կարող են ստանալ միայն այն դեպքում, երբ նրանք հենվում են սոցիալիզմի հիմնական տնտեսական օրենքի վրա:

Ինչ վերաբերում է ժողովրդական տնտեսության պլանավորմանը, ասլա դա կարող է դրական հետևանքների հասնել միայն երկու պայման պահպանելու դեպքում՝ ա) եթե պլանավորումը ճիշտ է արտացոլում ժողովրդական տնտեսության պլանաչափ զարգացման օրենքի պահանջները, բ) եթե նա համապատասխանեցվում է սոցիալիզմի հիմնական տնտեսական օրենքի բոլոր պահանջներին:

8. ԱՅԼ ՀԱՐՑԵՐ

1) Արտատնտեսական հարկադրանքի հարցը ֆեոդալիզմի ժամանակ:

Իհարկե, արտատնտեսական հարկադրանքը դեր խաղացել է կալվածատեր-ճորտատերերի տնտեսական իշխանության ամրապնդման գործում, ապակայն, ֆեոդալիզմի հլճքը դա չէ, այլ հողի ֆեոդալական սեփականությունը:

2) Կոլտնտեսականի տնտեսության անձնական սեփականության հարցը:

Ճիշտ չէր լինի դասագրքի նախագծում ասել, թե «յուրաքանչյուր կոլտնտեսականի տնտեսություն ունի անձնական օգտագործման համար կով, մանր անասուններ և թռչուններ»: Իրականում, ինչպես հայտնի է, կովը, մանր անասունները, թռչունները և այլն ո՛չ թե կոլտնտեսականի տնտեսության անձնական օգտագործման տակ են, այլ կաղմում են նրա անձնական սեփականությունը: «Անձնական օգտագործման համար» արտահայտությունը, ըստ երևույթին, վերցված է, Գյուղատնտեսական արտելի օրինակելի կանոնա-

դրությունից: Բայց Գյուղատնտեսական արտելի օրինակելի կանոնադրության մեջ սխալ է թույլ տրված: ՍՍՌՄ-ն կոնստիտուցիայում, որն ավելի խնամքով է մշակվել, ասված է այլ բան, այն է՝

«Յուրաքանչյուր կոլտնտեսականի տնտեսություն... ունի որպես անձնական սեփականություն օժանդակ տնտեսություն տնամերձ հողամասում, բնակելի տուն, մթերատու անասուններ, թռչուններ և գյուղատնտեսական մանր ինվենտար»:

Դա, իհարկե, ճիշտ է:

Հարկավոր էր, բացի այդ, ավելի մանրամասն ասել, որ յուրաքանչյուր կոլտնտեսական, որպես անձնական սեփականություն, ունի մեկից մինչև այսքան կով, նայած տեղական պայմաններին, այսքան ոչխար, այծ, խոզ (նույնպես այսքանից մինչև այսքան, նայած տեղական պայմաններին) և անսահմանափակ բանակության մը ընտանի թռչուններ (բադեր, սագեր, հավեր, հրնդկահավեր):

Այդ մանրամասնությունները մեծ նշանակություն ունեն մեր արտասահմանյան ընկերների համար, որոնք ցանկանում են ճշգրիտ կերպով իմանալ, թե այն բանից հետո, երբ մեզ մոտ իրականացված է գյուղատնտեսության կոլեկտիվացումը, կոլտնտեսականի տնտեսության մեջ ի՞նչ է մնում որպես նրա անձնական սեփականություն:

3) Գյուղացիների կողմից կալվածատերերին տրվող վարձակալման վճարի արժեքի, ինչպես նաև հողի գնման ծախսերի արժեքի հարցը:

Դասադրքի նախագծում ասված է, որ հողի ազդեցնացման հետևանքով «գյուղացիությունը ազատվեց կալվածատերերին տրվող վարձակալման վճարումներից, որ կազմում էին տարեկան մոտ 500 միլիոն ռուբլի» (հարկավոր է ասել «ոսկով»): Այդ թիվը հարկավոր է ճշտել, որովհետև դա, ինչպես ինձ թվում է, հաշվի է առնում վարձակալման վճարը ո՛չ թե ամբողջ Ռուսաստանում, այլ միայն Ռուսաստանի նահանգների մեծամասնությունում: Ընդամիս պետք է նկատի ունենալ, որ Ռուսաստանի մի շարք ծայրամասերում վարձակալման վճարը տրվում էր բնամթերքով, որը, ըստ երևույթին, հաշվի չեն առել դասադրքի նախագծի հեղինակները: Բացի այդ, պետք է նկատի ունենալ, որ գյուղացիությունն ազատվեց ո՛չ միայն վարձակալման վճարից, այլև հողի գնման տարեկան ծախսերից: Արդյոք հաշվի առնված է այդ բանը դասադրքի նախագծում: Ինձ թվում է, որ հաշվի առնված չէ, այնինչ հարկավոր էր հաշվի առնել:

4) Պետական ապարատի հետ մոնոպոլիաների սերտաճման հարցը:

«Սերտաճում» արտահայտությունը հարմար չէ: Այդ արտահայտությունը մակերեսային ու նկարագրական կերպով է նշում մոնոպոլիաների և պետության մերձեցումը, բայց չի բացահայտում այդ մերձեցման տնտեսական իմաստը: Բանն այն է, որ այդ մերձեցման պրոցեսում տեղի է ունենում ո՛չ թե սոսկ սերտաճում, այլ պետական ապարատի ենթարկում մոնոպոլիաներին: Ուստի պետք էր դեն նետել «սերտաճում» բառը և այն փոխարինել «պետական ապարատի ենթարկումը մոնոպոլիաներին» բառերով:

5) ՍՍՌՄ-ում մեքենաների կիրառման հարցը:

Դասադրքի նախագծում ասված է, որ «ՍՍՌՄ-ում մեքենաները կիրառվում են բոլոր դեպքերում, երբ նրանք աշխատանք են տնտեսում հասարակության համար»: Դա բոլորովին այն չէ, ինչ հարկավոր էր ասել: Առաջին, մե-

քննաները ՍՍՌՄ-ում միշտ էլ աշխատանք են տնտեսում հասարակության համար, որի պատճառով էլ մենք չգիտենք այնպիսի դեպքեր, երբ նրանք ՍՍՌՄ-ի պայմաններում աշխատանք չտնտեսեին հասարակության համար: Երկրորդ, մեքենաները ո՛չ միայն տնտեսում են աշխատանքը, այլև դրա հետ մեկտեղ նրանք հեշտացնում են աշխատողների աշխատանքը, որի պատճառով էլ մեր սլայմաններում, ի տարբերություն կապիտալիզմի պայմանների, բանվորները մեծ սիրով են օգտագործում մեքենաները աշխատանքի պրոցեսում:

Ուստի հարկավոր էր ասել, որ մեքենաները ոչ մի տեղ այնպես սիրով չեն կիրառվում, ինչպես ՍՍՌՄ-ում, որովհետև մեքենաները աշխատանք են տրնտեսում հասարակության համար ու հեշտացնում են բանվորների աշխատանքը, և քանի որ ՍՍՌՄ-ում գործազրկություն չկա, բանվորները մեծ սիրով են օգտագործում մեքենաները ժողովրդական տնտեսության մեջ:

6) Կապիտալիստական երկրներում բանվոր դասակարգի նյութական դրության հարցը:

Երբ խոսում են բանվոր դասակարգի նյութական դրության մասին, սովորաբար նկատի են ունենում արտադրության մեջ զբաղված բանվորներին և հաշվի չեն առնում գործազուրկների այսպես կոչված պահեստի բանակի նյութական դրությունը: Ենթադրելով, որ աշխատողները վերաբերմունքը բանվոր դասակարգի նյութական դրության հարցին: Ես կարծում եմ, որ ճիշտ չէ: Եթե գոյություն ունի գործազուրկների պահեստի բանակ, որի անդամները ապուստի ուրիշ միջոց չունեն, բացի իրենց աշխատուժի վաճառքից, ապա գործազուրկները չեն կարող չմտնել բանվոր դասակարգի կազմի մեջ, բայց եթե նրանք մտնում են բանվոր դասակարգի կազմի մեջ, նրանց մուրացիկ դրությունը չի կարող չազդել արտադրության մեջ զբաղված բանվորների նյութական դրության վրա: Ուստի ես կարծում եմ, որ կապիտալիստական երկրների բանվոր դասակարգի նյութական դրությունը բնութագրելիս հարկավոր էր հաշվի առնել նաև գործազուրկ բանվորների պահեստի բանակի դրությունը:

7) Ազգային եկամտի հարցը:

Ես կարծում եմ, որ դասագրքի նախագծի մեջ հարկավոր էր անպայման մտցնել նոր գլուխ ազգային եկամտի մասին:

8) Դասագրքի մեջ Լենինի և Ստալինի մասին, որպես սոցիալիզմի քաղաքատնտեսության ստեղծողների մասին, հատուկ գլխի հարցը:

Ես կարծում եմ, որ «Մարքսիստական ուսմունքը սոցիալիզմի մասին: Սոցիալիզմի քաղաքատնտեսության ստեղծումը Վ. Ի. Լենինի և Ի. Վ. Ստալինի կողմից» գլուխը պետք է հանել դասագրքից: Այդ գլուխը ամենևին հարկավոր չէ դասագրքում, որովհետև ոչ մի նոր բան չի տալիս, այլ միայն դժգույն կերպով կրկնում է այն, ինչն ավելի մանրամասնորեն ասված է դասագրքի նախորդ գլուխներում:

Ինչ վերաբերում է մնացած հարցերին, ես ոչ մի դիտողություն չունեմ ընկերներ Օստրովիտյանովի, Լեոնտևի, Շեպիլովի, Քատովսկու և մյուսների «առաջարկությունների» վերաբերյալ:

9. ՔԱՂԱՔԱՏՆՏԵՍՈՒԹՅԱՆ ՄԱՐՔՍԻՍՏԱԿԱՆ ԳԼՍԱԳՐՔԻ ՄԻՋԱԶԳԱՅԻՆ ՆՇԱՆԱԿՈՒԹՅՈՒՆՐ

Ես կարծում եմ, որ ընկերները հաշվի չեն առնում քաղաքատնտեսություն մարքսիստական դասագրքի ամբողջ նշանակությունը: Դասագիրքը հարկավոր է ո՛չ միայն մեր սովետական երիտասարդության համար: Նա առանձնապես հարկավոր է բոլոր երկրների կոմունիստների և կոմունիստներին համակրող մարդկանց համար: Մեր արտասահմանյան ընկերները ցանկանում են իմանալ, թե մենք ինչպե՛ս ազատվեցինք կապիտալիստական ստրկությունից, ինչպե՛ս մենք վերափոխեցինք երկրի էկոնոմիկան սոցիալիզմի ոգով, ինչպե՛ս մենք հասանք բարեկամության դյուղացիության հետ, ինչպե՛ս մենք հասանք այն բանին, որ մեր՝ դեռ վերջերս աղքատ և թույլ երկիրը վերածվեց հարուստ, հզոր երկրի, թե ի՛նչ են ներկայացնում իրենցից կոլտնտեսությունները, ինչո՞ւ մենք, շնայած արտադրության միջոցների հանրայնացմանը, չենք ոչնչացնում ապրանքային արտադրությունը, փողը, առևտուրը և այլն: Նրանք ցանկանում են այս ամենը և ուրիշ շատ բաներ իմանալ ո՛չ թե սոսկ հետաքրքրության համար, այլ որպեսզի սովորեն մեզանից և մեր փորձն օգտագործեն իրենց երկրի համար: Ուստի քաղաքատնտեսության մարքսիստական լավ դասագրքի հրապարակ գալը ո՛չ միայն ներքաղաքական, այլև միջազգային մեծ նշանակություն ունի:

Հետևապես, հարկավոր է մի դասագիրք, որը կարողանա ծառայել որպես ուղեցիտն երիտասարդության սեղանի գիրք ոչ միայն երկրի ներսում, այլև արտասահմանում: Նա չպետք է շատ մեծածավալ լինի, որովհետև շատ մեծածավալ դասագիրքը չի կարող սեղանի գիրք լինել և այն դժվար կլինի յուրացնել-հաղթահարել: Բայց նա պետք է պարունակի այն ամբողջ հիմնականներ, որ վերաբերում է ինչպես մեր երկրի էկոնոմիկային, այնպես էլ կապիտալիզմի ու գաղութային սիստեմի էկոնոմիկային:

Որոշ ընկերներ գիսկուսիայի ժամանակ առաջարկում էին դասագրքի մեջ մտցնել մի ամբողջ շարք նոր գլուխներ, պատմաբանները՝ պատմության վերաբերյալ, քաղաքագետները՝ քաղաքականության վերաբերյալ, փիլիսոփաները՝ փիլիսոփայության վերաբերյալ, տնտեսագետները՝ էկոնոմիկայի վերաբերյալ: Բայց դա կհասցնեք այնտեղ, որ դասագիրքը անասելի չափով կաճեր: Դա, իհարկե, չի կարելի թույլ տալ: Դասագիրքը պատմական մեթոդը օգտագործում է քաղաքատնտեսության պրոբլեմների լուսաբանման համար, բայց դա դեռ չի նշանակում, թե մենք պետք է քաղաքատնտեսության դասագիրքը տնտեսական հարաբերությունների պատմություն դարձնենք:

Մեզ հարկավոր է 500, մաքսիմում 600 էջանոց դասագիրք, ոչ ավելի: Դա կլինի սեղանի գիրք մարքսիստական քաղաքատնտեսության վերաբերյալ, — լավ նվեր բոլոր երկրների երիտասարդ կոմունիստներին:

Ի՞ դեպ, նկատի ունենալով արտասահմանյան երկրների կոմպարտիաների մեծամասնության մարքսիստական դարդացման ոչ-բավարար մակարդակը, այդ դասագիրքը կարող էր մեծ օգուտ բերել այդ երկրների նաև ոչ-երիտասարդ կադրային կոմունիստներին:

10. ՔԱՂԱՔԱՏՆՏԵՍՈՒԹՅԱՆ ԴԱՍԱԴՐՔԻ ՆԱԽԱԳԾԻ ԲԱՐՆԼԱՎՄԱՆ ՈՒՂԻՆԵՐԸ

Որոշ ընկերներ դիսկուսիայի ժամանակ շափազանց մեծ եռանդով էին «հողմացրիվ անում» դասագրքի նախագիծը, հայհոյում էին նրա հեղինակներին սխալները և թերացումների համար, պնդում էին, թե նախագիծը չի հաջողվել։ Դա անարդարացի է։ Իհարկե, դասագրքում կան սխալներ և թերացումներ, — դրանք համարյա միշտ լինում են մեծ գործում։ Բայց ինչ էլ որ լինի, դիսկուսիայի մասնակիցների ճնշող մեծամասնությունը այնուամենայնիվ ընդունեց, որ դասագրքի նախագիծը կարող է ծառայել որպես ապագա դասագրքի հիմք և միայն որոշ ուղղումների ու լրացումների կարիք է զգում։ Իսկապես, բավական է միայն դասագրքի նախագիծը համեմատել քաղաքատնտեսության՝ շրջանառության մեջ եղած դասագրքերի հետ, որպեսզի հանդես գայն հետևությանը, որ դասագրքի նախագիծը մի ամբողջ գլխով բարձր է գոյություն ունեցող դասագրքերից։ Այդ է դասագրքի նախագծի հեղինակների մատուցած մեծ ծառայությունը։

Ես կարծում եմ, որ դասագրքի նախագիծը բարելավելու համար հարկավոր է նշանակել սակավաթիվ մի հանձնաժողով, այնտեղ մտցնելով ոչ միայն դասագրքի հեղինակներին և ոչ միայն դիսկուսիայի մասնակիցների մեծամասնության կողմնակիցներին, այլև մեծամասնության հակառակորդներին, դասագրքի նախագծի թունդ քննադատներին։

Կավ կլինեն հանձնաժողովի մեջ մտցնել նաև մի փորձված վիճակագիր՝ թվերը ստուգելու և նախագծի մեջ նոր վիճակագրական նյութեր մտցնելու համար, ինչպես նաև մի փորձված իրավաբան՝ ձևակերպումների ճշգրտությունը ստուգելու համար։

Հարկավոր է հանձնաժողովի անդամներին ժամանակավորապես ազատել ամեն տեսակ այլ աշխատանքից, նրանց լիովին ապահովելով նյութական տեսակետից, որպեսզի նրանք կարողանան ամբողջովին նվիրվել դասագիրքը կազմելու աշխատանքին։

Բացի այդ, հարկավոր է նշանակել խմբագրական հանձնաժողով, ասենք, երեք մարդուց՝ դասագրքի վերջնական խմբագրման համար։ Դա անհրաժեշտ է նաև ոճի միասնության հասնելու համար, որպիսին, դժբախտաբար, չկա դասագրքի նախագծում։

Պատրաստի դասագիրքը կենտրոնում ներկայացնելու ժամկետը՝ 1 տարի։

Ի. ՍՏԱԼԻՆ